

**DE ORIGINE
CARDINALITIAE
DIGNITATIS
SCHEDIASMA
HISTORICUM...**

Johann Franz Buddeus



9

12-c

38



DE
ORIGINE
CARDINALITIÆ
DIGNITATIS

Schediasma Historicum

AUCTORE

M. IO. FRANCISC. BVDDEO.

*Bibliotheca Domus Probationis Romanae
Scholarum*



IN AE,

Sumtibus JOH. BIELCKII, Bibliop.

ANNO clc lcc XCIII.

V I R O

*Magnifico, Summè Reverendo, Amplis-
simo, Excellentissimoque*

D O M I N O

**JO. GEORGIO
NEVMANNO**

**Hactenus Poëseos, nunc vero SS.
Theologiæ
in Academia Wittebergensi Professori
longè meritissimo;**

*Domino, Patrono, studiorumq; meorum
Promotori, æterni honoris & obsequii
cultu venerando.*



*VIR MAGNIFICE SUM-
MEQUE REVERENDE.*



Vnesta animo
meo hærebat
purioris cœtus
imago , cum
præmature funere extinctos
ætâs nostra lugeret & con-
quereretur, Viros ingenio
doctrinaque florentes , mo-
rum-

DEDICATIO.

rumque integritate conspicuos, quorum solertiæ laboribusque Christiani orbis fortuna, ut cœlum Atlantis humeris, innitebatur. Tarquinium Superbum mors imitari visa est, summa papaverum capita callidè demetentem, tam atrociter dum in illos grassata est, qui inter sanctioris cœlestisque doctrinæ propugnatores primum facile obtinebant locum, & in acie quasi constituti, furorem impetumque hostium soli propemodum sustinuerunt. Jam ad mœstum murmur & querimonias debiles transibant



ve.

DEDICATIO.

veritatis alumni : periisse
spem omnem, cecidisse sacri
cultus Defensores, culmen
præsidiumque bonorum &
recte sentientium corruisse,
erumpere nunc in ævum o-
mne nefas, & impunè disse-
minari diros errores, quiri-
tantes, obiisse acerrimos illos
veritatis vindices, qui seculi
vitare vortices docuère, ne
inconsultus animi impetus
zeli nomen indueret, aut ficti,
supercilii nubes sanctitatis in-
vaderet famam. Curætis
igitur moestis squalidisque,
imminentemque fortunam
anxie respectantibus subito
no-

DEDICATIO.

nova spes affulsit; ostentantibus, NEVMANNVM fatis, per virtutes veterum illorum Heroum, quorum in Annalibus sacris celebrata sunt nomina, strenuè euntem, istorumque partes feliciter non minus expleturum, quam laudes gloriamque superaturum. Meruisti, *Vir Magnifice*, ut ad ingentes titulos summosque honores Te proveheret propitius Numinis favor, Tua virtus doctrinaque, ut refarciret tot magnorum Virorum jacturam: Nihil quippe à Te prætermisum est, quod non isto
fa-

D E D I C A T I O.

fastigio dignum, Te redderet. Namque & sapientiæ humanæ omnes perlustrasti campos, & vel undanti solutæ vocis eloquio, vel immortalī Musarum cantu totam posteritatem sacris implevisti præconiis & ad exemplum Adamantini istius Doctōris, rerum divinarum documentis, humanarum disciplinarum adspargere præcepta, didicisti. Patent Tibi arcani divinorum oraculorum recessus, eosdemque non minori dexteritate pandis, proculque faceßere jubes, quicquid fraudis fallaciæque te-

xe-

DEDICATIO.

xere, aut caliginis, luci affundere annititur, perditorum hominum profana cohors. Hinc integri & intemerati mores venerandum Te omnibus reddunt, eô potissimum seculo, quo ad labia & ostentationem à labore severaque disciplina translatum est probitatis studium. Quare ad spem novam erigitur sacer Numinique consecratus coetus, spiritusque resumit, personatque Tuis laudibus universus, quem Litteræ pro-bique mores nobilitant orbis, quod tantis honoribus decoratum, rerumque sacrarum
fa.

D E D I C A T I O.

fastigio admotum illum videat, quo nec meliorem, si licuisset, optare potuissent. Hæc igitur virtutis tuæ fama, per omnium ora volitans, cum me quoque maximo perfudisset gaudio, dubius atque anceps diu hæsi, quis præcipuè habitus inter congratulantium, fausta-que & felicia quævis Tibi apprecantium turbas, me deceret? Communem ac quotidianam affectus mei significationem Tua in me respuebant merita, eximiam & supra ceteros exurgentem, non permittebat ingenii mei le-
vi.

DEDICATIO.

vitas : tandem illos imitari
placuit, qui tenui parvoque
munere submissam animi
venerationem obsequiumq;
perenne æquè feliciter, quam
alii, regiis sumptibus, testati
sunt. Non thura affero, nec o-
dores tanto culmine dignos,
sed levissimam saltem com-
mentationem de Cardinali-
tiæ dignitatis origine subito
enatam, citiusque perituram
Tibi consecro, & devota men-
te offero, in lætitiæ meæ obse-
quique nunquam intermo-
rituri, certissimum pignus.
Pietati meæ vota jungo,
Deumque per aras & sacra
sup-

DEDICATIO.

supplex veneror, ut Te salvo
& incolumi erigantur pro-
strata, restituantur perdita,
sanentur faucia, tuoque no-
mine ut repleantur poste-
riorum annales, serique ne-
potes ad tuas laudes &
admirationem concitentur.
Vale.

CELEBERR. NOMINIS
TVI

*Cultor & Admirator
perpetuus*

M. JOH. FRANCISC. BYDDEVS.



Q. D. B. V.

§. I.



Ræceps atque per-
 iculosum ingre-
 dior iter, quod
 nunquam junc-
 ditate sua tam
 multos alliciet, ut non plures
 deterreat difficultate. Per an-
 fractus quippe, variaque homi-
 num, qui idem calcarunt, vesti-
 gia, nobis eundum est, ut veri
 falsique discrimen luculenter
 pateat. Nihil præterea tam
 perplexum, aut tot circumseptum

A am-

ambagibus videtur, quam origi-
nes Dignitarum, pariter ac fami-
liarum evoluere, cum æquè, ac
magnorum fluviorum fontes, ju-
dice Hieronymo Conestaggio *de*
Conjunct. Castil. & Portugal.
lib. I. init. lateant, quærentium-
que labores haud rarò fallant.
Utique majus ingenium, excel-
lentioremque doctrinam, & in-
dustriam haud vulgarem exigebat
excelsa Purpuratorum Patrum
fortuna. Illustrioribus quoque
documentis omnia firmare par-
erat. Jam profunda nocte & tristi
silentio tegere consultius duce-
bam, quicquid ante in mentem
venerat; cum tandem reputarem
mecum, parum omnino referre,
quo habitu veritas prodeat, ean-
demque eruditione anxie conqui-
sitâ, non tam decorari quam ob-
fuscar.

§. II.

§. II. Quo diligentius autem imperii istius molem, quod Romani condiderunt Præsules, mecum perpendo, eo majori me admiratione percellit, infinita ista consiliorum fraudumque series, quibus ceu fulcris quibusdam ac parietum armamentis, immensa hæc potentia innititur, & incredibili successu seipsam tuetur. Etenim ut amplitudine ac diuturnitate, ne florentissimis quidem orbis Rebuspublicis cedit: ita regnandi artibus fallaciisque, quibus arcana Principum plerumque involuta sunt, omnes superat. Hoc vero proprium huic imperio est, ac peculiare, probitatis cultusque divini nomina ut induant turpissima crimina, & tum maxime liberos se subditi arbitrentur, cum durissimo premuntur servi-

tutis jugo. Ita omnino est, superstitione longe felicius subactum orbem superior ætas vidit, quam tot cruentis Romanorum præliis, tot victoriis à barbaris ferisque gentibus reportatis, subjici potuit. Æternum vero perpetuumque ut istud redderent, Senatum constituere placuit, penes quem summum rerum esset arbitrium, qui de limitibus extendendis, vel hostibus maturè opprimendis consilia secum agitaret, istudque præstaret ab omni ruinâ immune. Hæsit sanè ejusmodi augustioris senatus imago animo Laonici Chalcondylæ, Atheniensis, dum Eugenium IV. Pontificem Cardinalibus suis stipatum ita nobis exhibet, secus quam dictum est, nemo ut arbitrari queat. *in Histor. Turcica ad A. 1440.*

§. III. Hic vero quosdam videas, qui miscendo humana divinis, primordia rerum ut augustiora faciant, consecrare originem Cardinalium & ad DEUM referre non dubitant. Ille pido sane & rudi commento id egit Andreas Barbatias Jureconsultus Messanensis, extat in *Tract. Tractatum Tor. VI. p. 16.* qui ut Bessarioni Cardinali, clarissimo Viro, suam probaret industriam, ex sanctissimis Hebraicæ gentis oraculis Cardinalium arcessere originem, conatus est. Instituto suo attemperavit istud quod *I. Reg. II.* legitur: *Domini sunt Cardines terre.* Jampridem Hostiensem celebrem Doctorem, huic fundamento divinam Cardinalium auctoritatem inædificasse autumat. Nec procul rationem arcessendam putat.

Etenim ut *cardine ostium*, inquit,
ita Cardinalibus Ecclesia Romana
regitur. Unum delirare satis erat.
Aft video alios quoque eodem er-
rore in transvorfum agi. Nam-
que & Petrus de Alliaco, Came-
racenfis, *de Ecclef. Auctor. Part. I.*
cap. I. ut & Johannes de Turre-
cremata & ipfe Cardinalis, *lib. I.*
de Ecclef. c. 80. idem fibi perfua-
ferunt. Saltem in Apoftolorum
iftos fuffeffe locū, aut per alios
in V. T. fanctitate & dignitate in-
clytos viros, eisdem effe repræfen-
tatos, nulli dubitant. Hinc &, quod
mirandum, Gerson, Prudentiffi-
mus Vir, illorum propè accessit o-
pinioni *Tom. I. de ftat. Ecclefie*
itemque *Hieronimus Manfredi de*
Cardinal. Cap. VI. Antoninus,
vero, Diana Panormitanus ne in-
tra hosce quidem fefe limites con-
tinet

tinet, sed exinde quoque divinam
 Cardinalium constare originem
 autumat, quod sint *partes Ponti-*
ficis, adeoque ceu ejusdem cen-

feri viscera debeant. Ipsum igitur Pontificem ad Numinis con-

stitutionem suam referre dignita-

tem, cum certum exploratumque

habeat, nec Cardinales inferioris

conditionis esse putat. *Resolut.*

Part. V. Tract. II. resol. II. p. 41.

suæ præterea sententiæ accenset

Perezium in *Pentateucho fidei*

Tract. III. dub. III. cap. VIII n. 81.

& Gundisalvum de Villadiego lib.

de *Cardinalibus quest. V. n. 13.*

Omnium autem ratione cum desti-

tuantur, quicumque his assentiunt,

parum abest, quin, judicandi li-

bertatem deferam Polydoro Ver-

gilio, Messanensem istum Jure-

Consultum Andreæ Barbatiam

graviter hâc in causâ increpanti:
Non secus isti Jure consulti aliquo-
ties detorquent sacras litteras, quo-
volunt, ac sutores sordidas solent
dentibus extendere pelles. lib. IV.
 de Invent: rer. cap. IX.

§. IV. Ipsos vero Pontifices,
 divinam Cardinalium originem
 neutiquam inficiari, Eugenius
 IV. comprobât suo exemplo. Et-
 enim Cantabrigiensi Archiepisco-
 po, conquerenti graviter, præfer-
 ri sibi Cardinales, persuadere vo-
 luit, horum dignitatem DEUM
 ipsum agnoscere auctorem. Sal-
 tem à Divo Petro hunc ordinem
 institutum indubitato asserit. Si-
 mul verò provocat ad Innocen-
 tium III. qui in *Num. XVII. capite,*
 Cardinalium se reperisse natales,
 autumat. Ut per Mosem, enim,
 divinum Virum, Pontificem ad-

umbratum censer, ita in Septuaginta istis Senioribus, ad opem Mosi ferendam, causasque leviores populi cognoscendas, constitutis, Cardinalium se conspiciere imaginem arbitratur. Hinc cvincere volebat, justo titulo Cardinalibus cedere Episcopos. conf. *Antoninus Diana* l. c. Piget sane tædetque, plura ejusmodi addere. Namque qui divinas litteras ad suas trahere partes, aut populi Israelitici instituta hisce attemperare negotiis, audent, non absimiles illis esse judico, qui Medæ perniciem ad Peleonis referebant sylvas, cum hæ ligna præbuerint ædificandis Jasonis navibus, qui patriis deinceps regnis privavit Medeam.

§. V. Nec felicius in hoc mari navigant, quibus vocis ortus sub-

fidio esse debet, ad splendorem ac
ornamentum, purpuratis Patribus
conciliandum. Faceſſat itaque
procul Leonis IX. Pontificis pro-
fana interpretatio, qui Cardina-
libus iſtud nomen inde hæſiſſe pu-
tat, quod ſummo Pontifici proximè
adhæreant, qui eſt velut Cardo to-
tius Eccleſiæ: Nam ut in Cardine
oſtium vertitur, & regitur, ac
ſuſtentatur, ſic etiam à ſummi
Pontificis providentia & firmita-
te, tota Eccleſia pendet. *Epist. ad
Mieb.* Iſtud certè non diffiteor,
ſi intra Criticorum limites ſubſi-
ſtendum, & ex eorundem præſcri-
ptis iudicium ferendum ſit, præ-
cipuum quid & ſingulare, hac vo-
cè denotari. Etenim & ventos
cardinales Servius *ad 1. Æneid.*
Scopos Cardinales Vitruvius, di-
xit *lib. IV. c. VI.* præcipuas Donati
par-

CARDINAL. DIGNIT. II

partes, Cardinales vocat, Hippo-
nensium Præsul, Augustinus *lib. I.
de Baptismo*: Cyprianus quo-
que de operibus Christi Cardina-
libus, librum composuit. vid. *Ca-
rolus du Fresne Dominus du Cange
in Glossar. v. Cardinalis*. Spelman-
nus *in Glossar. v. Cardinalis*.
Franciscus Duarenus *de Sac. Eccles.
Minist. & Benef. lib. I. c. XIII.
p. 1548*. Egregia quoque affert
Freinshemius de *Elect. & Cardi-
nal. Præced. Diatrib. I. p. 10 & 11*.

§. VI. Quo pacto autem in sa-
cri ordinis homines ista vox trans-
lata sit, nondum inter omnes con-
venit. Namque & in Antiquæ Ec-
clisæ Annalibus, Cardinales quos-
dam celebrari, palam est. Pleris-
que persuasum est, *Titulos*, ut vo-
cant, *Cardinales* huic muneri præ-
buisse ansam. Hoc nomine autem

sacræ venerunt ædes, in quibus
DEUM placare precibus, & Chri-
stiani cultus peragere sacra, Mar-
tyrum quoque exempla ad imi-
tandum proponere moris erat.
vid. *Baronius in Martyrol. ad d.*
26. Julii. Julius Weitzius ad Pru-
dentii Hym. XII. de Passion. Apostol.
Distinctas ab hisce fuisse Diaco-
nias, tradunt, ægrotis pauperibus-
que suscipiendis destinatas. Ti-
tutorum vero cum non una ea-
demque esset conditio, (liceat
enim mihi juxta antiquorum præ-
scripta loqui,) sed quidam præ cæ-
teris eminerent, vel majoris essent
aut dignitatis, aut celebritatis,
Cardinales s. *precipui*, appellita-
bantur. Mox Presbyteris ipsis qui
Titulis præerant idem nomen
hæsit. Ita quidem autumat Ca-
rolus du Fresne Dominus du Can-

ge in *Gloss. l. c.* Non procul hinc
 abit sententia Roberti Bellarmini
lib. I. de Clericis cap. XVI. cen-
 sentis, Cardinalis nomen, primo
 quidem impositum fuisse loco, à
 loco vero ad personam deriva-
 tum. Contra Onuphrius Panvi-
 nius *lib. de Tit. Cardin.* Cardina-
 les illos vocatos fuisse autumat,
 qui inter reliquos sui ordinis ho-
 mines eminebant, aliisque erant
 præfecti. Redarguit utrumque
 M. Antonius de Dominis *de Re-
 pub. Ecclesiast. lib. IV. c. VI p. 394.*
 & Onuphrii quidem explicatio-
 nem imperfectam vocat, eò quod
 Cardinalis Presbyter, non semper
 alteri Presbytero fuerit præfectus.
 Bellarminum verò inde reprehен-
 dit, quod discrimen ejusmodi in-
 ter Titulos Cardinales & non Car-
 dinales apud veteres non reperia-

tur: quod si verò Titulos omnes Cardinales dixerit certè omnes Presbyteros eo tempore Cardinales fuisse oportet, cum juxta *Can. VI.* Concilii Chalcedonensis, Presbyterum sine Titulo constituere nefas fuerit, summumque placulum. Ipse itaque Cardinalis nomen istis semper hæsisse autumat: *qui non per modum provisionis, aut transcursum, ac ferè mutato & ad tempus, sed qui fixe ac permanenter, uti proprius jam illius Ecclesie Minister, ad exercenda ministeria Ecclesiastica illi Ecclesie propria, in ea legitimè collocaretur, & intbronizaretur, quæ collocatio sive intbronizatio, intardinatio solet vocari.* Hanc vero sententiam non tantum pluribus documentis ex Baronio desumptis firmat, sed nominis quoque ori-

CARDINAL. DIGNIT. 15

originem in subsidium vocat, cum teste Vitruvio, istud quod fixum est ac immobile Cardinis voce haud rarò denotetur. Nihilominus pro Onuphrio militare videtur, frequentior nominis usus, pro eo quod præcipuum est. vid. Ludovicus Coelius Rhodiginus *Antiqu. Lect. lib. X. c. I.* In eo quippe eundem falli, quod Cardinales istos saltem appellatos censet, qui aliis fuere præfecti, haud invitus largior. Istud vero si demas, à Spalatino Præsule non adeò dissentiet. Illos enim qui certis adstricti erant Titulis, potiores fuisse, multisque in rebus superiores, quam qui secus erant comparati, adeoque jure meritoque Cardinalium sibi vendicasse nomen, vix est, quod ambigas. Marco itaque Antonio de Dominis,

nis, luculentis valde documentis
præsidiisque illustribus munito,
quo minus accedam, nihil obstat,
certè sententiam ejus suo com-
probavit calculo Joh. Georgius
Fueslinus in *Conclavibus Romanis*
referatis Dissertat. V. Sect. II.

§. VII. Convenire plerosque
in eo deprehendi, Cardinalium
nomen sacri ordinis hominibus
fuisse in antiquâ Ecclesiâ pro-
prium. Ita sane Hieronymus
Lunadoro, qui in *Relatione della*
Corte di Roma fusè istud persequi-
tur, arbitratur. In eo saltem non-
dum consentiunt, quâ occasione
primum in Clericos fuerit deri-
vatum; Nonnulli quippe apud
Auctorem libri; *Traite de l' Ori-*
gine de Cardinaux du Saint Siege
Cap. I. & II. ad Romanæ urbis
Præfectos primos natales referre

NON

non dubitant, qui certæ civitatis
 præerant parti, atque *Curatores
 sive Capita Regionum Urbis Romæ*
appellabantur. Etenim ut in
 civilibus non minus quam sacris
 ordo servaretur, hisce regionibus
 certos Viros præfici placuit, penes
 quos Ecclesiasticarum rerum esset
 cura & administratio. Mox vero
 in deſuetudinem abiisse istam re-
 gionum divisionem, Diaconos-
 que Cardinales à præcipuis Titu-
 lis fuisse nuncupatos, viduarum
 præcipuè sanctitate inclytarum
 liberalitate locupletatis earun-
 demque nomina oblivioni eri-
 pientibus. Ita Alphonsum Cia-
 conium quoque sensisse, idem
 auctor existimat. Neque ego
 sanè abnuo, istud nomen hisce
 Diaconis, qui primo certis regio-
 nibus, deinde Titulis fuere præ-
 fecti,

fecti, hæſiſſe. Sed cum Presbyteri quoque eodem fuerint insigniti, & præterea anceps dubiumque ſit, Presbyterisne an Diaconis prius fuerit tributum, ad declarandam primam ejus originem neutiquam ſufficere iſtud, quod Auctor tradidit, unusquisque haud difficulter dijudicabit.

§. VIII. Longius hinc recedit Gvido Pancirollus, qui in *Commentar. ad Notis. Imperii Orientalis Cap. II.* Patritios Romanos Cardinalibus tradidiſſe lampada autumat. Hi vero alterum ab Imperatore, ut Cardinales à Pontifice, tenebant locum. Ultriſque iſtud commune eſt, conſiliis illorum imperii ut diſpensentur fata, illorum arbitrio cuncta regantur. Utique magna Cardinalitii muneris pars eo ipſo abſolvitur Eccle-

ſiaſti-

fastici Imperii curam ut agant :
 adeoque si vera Pancirollus tra-
 deret, Cardinales eo potissimum
 tempore exortos esse oportet ,
 quo Pontifices dominiis tempo-
 ralibus aucti, intermissâ rerum
 sacrarum curâ, ad civilia negotia
 animum adjecerunt. In quibus-
 dam itaque quo minus cum Patri-
 ciis contendere queant, nihil omni-
 no obstat : quin ipse Eugenius IV.
 Pontifex in Epistola ad Cantabri-
 giensem Archiepiscopum utrum-
 que ordinem, ob dignitatem inter
 se confert : at inde non conficie-
 tur Cardinales successisse in Patri-
 ciorum locum. Namque & di-
 gnitas Cardinalitia præcipuè jus
 eligendi Pontificem in se comple-
 ctitur : jure autem eligendi Impe-
 ratorem non gaudebant Patricii :
 nominis autem si habeas ratio-
 nem

nem, tantum abest ut illis fuerit proprium, qui consiliis suis præsto fuerunt Episcopis Romanis, ut potius omnibus Clericis, certo coetui junctis, fuerit commune.

Non immeritò istud asserit Nicolaus Cœffeteau, Cenomanensis, Ordini Dominicanorum addictus, & designatus Episcopus Massiliensis, Mornæum reprehendens, asserentem, Cardinales in veteri Ecclesiâ prorsus fuisse ignotos. Nament Episcopos, pariter ac Presbyteros cum Diaconis tollendos, asserit, cum hi omnes aliquando Cardinalium usurpaverint nomē.

In eo tamen haud dubie turpiter fallitur cucullatus homo, quod cum illustris Vir Dominus du Plessi de hodiernò Cardinalium munere, dignitate atque splendore sermonem faciat, eisdemque in

anti-

antiquâ Ecclesiâ rectè locum denegat, ille contra priscos illos Cardinales in scenâ producat, quibus tamen cum recentioribus, præter nomen, nihil fuisse commune, aliunde palam est. vid. Fueslinus *in Conclavibus Rom. reser. Dissertat. V. Sect. II. p. 242. Auctor Galerii Cardinalitii T. III Cap. I p. 28.*

§. IX. Ceterum non possum hic assentiri Marco Zuerio Boxhornio, Viro longe doctissimo qui a Notariis veteris Ecclesiæ, Cardinalium originem derivare conatur *in Histor. Universal. ad A. C. 101. p. 167.* Hos verò Julius I^{mus} Pontifex constituisse fertur. Memoriam rerum illustrium, quibus Christianus nobilitabatur orbis, perire nolebat: receperantque jam spiritus sub Constantino & Constantio purioris cultus vindi-



ces, posteritatisque gerebant curam, cuius utique intererat, veterum erudiri documentis. Proinde Notariis, ita enim eos appellare moris erat, id muneris datum, ut sedulo in literas referrent, quicquid dignum judicabatur, ut ab oblivione vindicaretur. Præsertim vero Martyrum decantare laudes, vitamque commendare posteris tenebantur, inde ut sibi quisque caperet quod imitandum esset, inde foedum inceptu, foedum exitu quod vitaret. Nec desunt qui Clementem, hujus instituti auctorem faciunt, à quorum sententia adeò alienus non est Polydorus Vergilius *de Inventor. Rer. lib. IV. Cap. XI.* Hic vero septem urbis regiones inter totidem distribuisse *Notarios*, dicitur: comprobavitque institutum longe saluber-

luber-

luberrimum Antherus, Julius denique eosdem ita auxit ornavitque ut incepti ordinis gloria ad ipsum referretur. Ex his itaque Cardinales exsculpit Boxhornius, utique septem Titulos præcipuos cum hoc Notariorum munere permutatos, censens. Quo minus autem Vir summus, invidiam æquè ac laudem omnium superans me in partes trahat, multa omnino obstant. Namque & idoneis ipse testibus destituitur, quibus adstruat Notariis ejusmodi Cardinalium hæsisse nomen; & præterea Diaconis, neutiquam vero Notariis, in septem Urbis regionibus constitutis istud nomen primum contigisse communi prope modum consensu asseritur. Accedit, quod Notariorum munus ignaviâ istorum hominum adeo
 evi-

eviluerit, ut in contemptum prorsus abierit. Quî ergo splendida Cardinalium dignitas hunc enasci potuit? Istud vero quod dixi, me edocuit Platina: *Voluit item, inquit, in vitâ Julii II. ut omnia ad Ecclesiam pertinentia, per Notarios aut per Primicerium Notariorum conscriberentur: hos hodie, ut arbitror, Protonotarios vocamus, quorum officium est, res gestas precipuè conscribere. Verum nostrâ atate adeò plerique, nolo dicere omnes, litterarum ignari sunt, ut vix sciant nomen suum Latine exprimere, nedum aliorum res gestas perscribere. De moribus nolo dicere, cum è Lenonum numero; & parasitorum, quidam in hunc ordinem relati sint.* Non itaque erat cur tam audacter pronunciaret Boxhornius:

nus: *Non est mihi dubium, quin ad eos Notarios referenda sit Cardinalium E. R. qui nunc ita appellantur, origo.*

§. X. Clericis itaque cum Cardinalium nomen fuerit tributum, nemo fortassis adeò mirabitur, quod Guido quidam Archidiaconus & Franciscus Zabarella teste Polydoro Vergilio *de Inventor. Rer. l. c.* & Davide Chambre in *Chronique abrégée de Pape* apud Auctorem *Galeri Cardinalit. T. III. cap. I.* tradiderunt, à Pontiano Pontifice, tertio à Servatoris nativitate seculo 36. Sacerdotes Cardinales esse constitutos, à Marcello autem quindecim creatos, qui mortuis sepeliendis, infantibusque salutari fonte abluendis navarent operam. Namque si vel maxime auctor fide dignus istud

B

me-

memoriæ prodidisset, saltem Sacri
Ordinis Viros certis Ecclesiis
præfectos, intelligi, palam esset,
ipsa quoque injuncti muneris ra-
tio doceret. Sane quotiescunque
Luitprandus, aut Anastasius, aut
etiam Platina, vel si qui Pontifi-
cum vitas literis consignarunt,
Cardinalium injecerunt mentio-
nem, priusquam ad summum fa-
stigium Præsulum Romanorum
pervenit auctoritas, ejusmodi o-
mnino imago Virorum cultui
Numinis addictorum, menti meæ
obversatur, quæ si cum hodiernis
purpuratis Patribus conferatur,
nihil minus quam istam, eis con-
venire, mihi haud difficulter per-
svadeam. Ast vero & istud incer-
tum est atque ambiguum, quo
potissimum tempore Clericis
Cardinalium obtigerit nomen.

Ro-

Romanensium plerique ineptè ex
 nominis antiquitate, muneris
 ipsius dignitatem metientes pri-
 mis Seculis à Christo nato jam hoc
 nomen viguisse, sibi aliisque per-
 svadent. Robertus vero Bellar-
 minus *lib. I. de Clericis Cap. VI.*
 licet antiquitati Cardinalium ad-
 modum faveat, ultra Constantini
 M. tempora assurgere non audet,
 aut certi quid polliceri. Tum
 vero Concilium Romanum sub
 Sylvestro I. convocatum esse au-
 tumat, in cujus *Can. VI.* Cardi-
 naliū injicitur mentio. Huic
 documento multi præterea cla-
 rissimi Viri innituntur, interque
 eos Stephanus Pasquier *dans les*
Recherches de la France lib. III.
cap. V. Petrus Matthæi, Historio-
 graphus Gallicus, qui exinde va-
 pulat Vigorio in *Traite de Conci-*

les Cap. IV. conf. Fueslinus in Con-
clavibus Rom. referatis l. c. Hinc
 omnibus itaque Concilii istius im-
 posuit auctoritas, quod tamen si
 accuratius expendatur, nihil aliud
 erit, nisi inane otiosorum inge-
 niorum commentum. Hinc &
 istam de antiquitate Cardinalium
 sententiam, lubrico inniti funda-
 mento oportet. Sane nec Euse-
 bius, nec Socrates, vel alius proba-
 tæ fidei scriptor disertè ejus inje-
 citationem. Nec ipse Bellarmi-
 nus alium producit testem, quam
 Nicolaum quendam, sequioris
 ævi hominem, qui A. C. 860.
 vixit, si Adoni Viennensi creden-
 dum est *in Brev. Chron. atat. VI.*
 Accedit quod observante Rober-
 to Coco *in Censurâ Quorund.*
Scriptor. Ves. p. 444. celebratum
 hoc Concilium dicatur: *cum ob*
 Cor.

Constantinum mundatum à leprâ per Sylvestrum, gauderent multi nobiles. Hoc ipso vero causa omnis proditur, cum istud de lepra Constantini commentum, nec apud veteres Scriptores reperiatur, & insuper à multis Romanensium inter fabulas jam pridem sit relatum. Sane cum etiam ante purgatam a superstitione coecâ, operâ Lutheri, Ecclesiam, multi doctissimi Viri, interque eos Marcellus Patavinus, Laurentius Valla, Ludovicus Vives, Antoninus Florentinus decantatam Constantini donationem in dubium vocaverint, instrumentumque, quo illam firmare volebant, falsitatis convicerint, profecto de leprâ non aliud iudicium sperandum erit, quippe cuius figmenti non alia est ratio. Turpiter igitur decipitur auctor,

qui hoc tempore Concilium convocatum autumat, quo à lepra mundatus est Constantinus, cum nunquam eâdem fuerit infectus, multo minus per Sylvestrum fanitati restitutus. Præterea loquendi ratio à genio veterum prorsus aliena, fraudem istam fallaciamque diu latitare non permisit, vid. Cocus l. c. & quem ille laudat *Johannes Raynoldus in Apologia Thesum n. 43. p. 407.* Nec certiora sunt, quæ pro antiquitate Cardinalium ex antiquis quibusdam tabulis profert Raphael Volaterranus in *Antropol. lib. XXII.* aut etiam Juris Canonici Compiler Gratianus *Dist. 24. c. Presbyteri* de Gelasio Papa adducit: ita quidem ut magno discrimini se expositurus sit, si quis hisce testimoniis fretus certam & indubitata-

tang

tam de hac lite, ferre sententiam velit.

§. XI. Quæ cum ita sint, haud immerito quis reprehenderet errorem, quem Hieronymus Plati, Societatis Jesu Sacerdos, *in lib. de Cardinalis dignitate & officio, Cap. II.* commisit. Cuncta enim quæ ad antiquitatem pariter ac dignitatem Cardinalitii Ordinis evincendam affert, ejusmodi sunt, ut parum roboris ipsius sententiæ inde accedat. Etenim Constantini M. tempore jam tantam Cardinalium fuisse dignitatem, ut ceteris Clericis superiores fuerint, perquam ineptè asserit, cum vix Cardinalium nomen innotuerit, multo minus Romanis Clericis major honos, quam reliquis fuerit habitus. Ne autem frustra hoc dixisse videatur nomine Syl-

vestri Pontificis, Presbyteros duos Concilio Nicæno interfuisse autumat: hosce Cardinales fuisse, inde colligit, quod nemo nisi Cardinalis, Pontificis munere in Concilio fungi queat. Ex Pontificis arbitrio enim cum tota Concilii auctoritas pendeat, ipseque Præsidis munere semper fungatur, ut falso sibi persuadent Romanenses, teste Johanne Launoio *Part. II. Epist. IV. ad Jacobum Bevilaquam*, nefas atque piaculum putat Hieronymus Plati, si alius, quam Cardinalis ejus sustinere vices debeat. Tam turpiter falluntur, qui rerum momenta parum pensi habent: Quis enim nescit nec Sylvestrum eam convocasse Synodum, ut cum Baronio & Severino Binio sibi persuadet auctor, nec etiam eum in illà obtinuisse locum ut
aucto-

auctoritati dignitatieque vel Pontificiæ vel Cardinalitiæ probandæ, argumentum suppeditare queat. Secus enim qui sentiunt, de iis pronuntiare haud dubitaverim, quod de Alphonso Pisano, qui hujus Concilii historiam IV. conscripsit libris, dixit Edmundus Richerius, *illos, non referre quale fuerit Concilium Nicenum, sed quale ad sensum & palatum Jesuitarum esse debuerit. in Histor. Concil. General. Part. I. cap. II. p. 11.* Pontificis igitur cum non alia ibi fuerit conditio quam ceterorum Episcoporum, quidni & alius, quicumque demum fuerit, Clericus, ejus tueri vices potuisset? Nec meliori successu in partes vocat Augustinum, qui Celestinum & Pelagium tempore Zosimi Pontificis à Clero Romano erroris con-

victos hæreseosque postulatose esse
tradit. Istud vero Cardinalium
proprium fuisse contendit Hiero-
nymus Plati. Ego vero omnia
mecum voluens & replicans, nun-
quam intelligere potui, istud mu-
nus quo titulo Clericis ceteris de-
negari queat, solis autem compe-
tat Cardinalibus sive Clero Ro-
mano. Sanè qui ita arbitratur,
illum hospitem valde animum
ex antiquis Historicorum monu-
mentis retulisse oportet. Reli-
qua quæ ibidem docet, ita com-
parata sunt, ut Cleri Romani an-
tiquam faciem, diversosque in eo-
dem gradus quodammodo exhi-
beant, at originem Cardinalium
certam ac indubitatam qui in hoc
Scriptore sibi pollicetur, valde
vereor ne inania confectetur &
nubes.

§. XII. Missis perplexis atque ambiguis certiora sectemur. Cuncta autem accuratius perquirenti patebit, ante Gregorii M. ætatem de statu Cardinalium pariter ac vocis usu nihil posse definiri. Saltem ex probatæ auctoritatis scriptoribus hodie nullum extare arbitror, qui ante illum aut tam distertè Cardinalium meminerit, aut sæpius quoque hæc voce inter antiquos fuerit usus. Omnia autem documenta quæ apud Gregorium reperiri possunt, sollicitè in compendium misit M. Antonius de Dominis *de Republicâ Ecclesiasticâ l. c.* supervacaneum prorsus ut arbitrer alia si quis addere eidem velit. Inde autem innotuit ita Cardinalium nomen, ut longe frequentius fuerit usurpatum. Sanè in Romano isto concilio in

quo dejecto Constantino impio
sancti muneris inuasore, ad sum-
mum istud fastigium evehebatur
Stephanus III. sancitum est, nemi-
ni ut via pateat ad hoc culmen,
nisi antea Diaconus aut Presbyter
Cardinalis fuerit. vid. Anastasius
in vita Stephani III. Marianus
Scotus *ad A. C. 767.* Cæsar Baro-
nius *ad A. C. 768. num. III. IV.*
Quin etiam Episcoporum Car-
dinalium in eâdem Synodo fit
mentio: unde intelligere pro-
num est, valdè jam increbuisse eâ
ætate Cardinalium nomen. Col-
ligitur istud quoque ex *Can. 54.*
Con ilii Metensis, in quo titulo-
rum Cardinalium injicitur men-
tio. Hadriani I^{mi} decretis nostra
quoque firmatur sententia, quip-
pe qui Presbyterum Cardinalem
non nisi 44. testibus crimi: is con-
vinci

vinci posse sanxit. Omnia autem si convecrare vellem documenta, quibus evincitur quam longe lateque Cardinalium nomen post Gregorii tempora percrebuerit, rem susciperem infiniti laboris, at exigui fructus.

§. XIII. Non turpius igitur sese traducere poterat Petrus Gregorius Tholosanus, quam cum *Lib. XXV. de Repub. Cap. unic. n. 11.* Cardinales non tantum dignitate ac potentiâ à Constantino M. auctos, sed ejusmodi quoque vestitu, quali hodie utuntur, ornatos esse contendit. Provocat autem ad decretum istud Constantini, quod ad fictam istam donationem comprobendam circumfertur, & tempore Caroli M. excogitatum esse autumat Edmundus Richerius in *Hist. Concil. General. Part. 1.*

cap. XI. p. 339. In eo enim præter alia hæc quoque sanxisse Constantinum ferunt: *Viris Reverendissimis Clericis in diversis ordinibus Romana Ecclesia servientibus, illud culmen singularitate, potentia, & præcellentiâ habere sancimus, cujus amplissimus Senatus noster adornari, id est, Patritios, & Consules effici, nec non & ceteris dignitatibus imperialibus, eos promulgamus decorari. Per Viros reverendissimos Clericos Cardinales non tantum Tholosanus, sed alii quoque intelligunt, qui illorum inde derivare antiquitatem conantur. Quemadmodum autem Constantinus Senatoribus Romanis in omnibus æquiparari volebat Cardinales, ita dubium non est, quin ad eorum exemplum splendido ejusmodi vestitu, eos deco-*

decoraverit. Ita colligit sibi que
 persuadet Tholosanus, oblitus
 eorum, quæ *lib. IV. cap. XI. n. 8.*
 tradiderat, Cardinales hæc sibi
 sumpsisse ornamenta alacritatem
 suam ac promptitudinem ut signi-
 ficarent, ad sanguinem pro Serva-
 toris honore effundendum. Ever-
 titur præterea hæc Tholosani sen-
 tentia, communi Historicorum suf-
 fragio, quippe quo in Innocentiū
 IV. Pontificem, decorati rubeis
 pileis, flammeos vocat Theodo-
 ricus à Niem *de Schismate Magno*
lib. I. aliisque ornamentis, Cardi-
 nalitii Ordinis, gloria redundat.
 Sanè Dionýsius Petavius in *Ratio-*
nario Temp. p. 568. Flavius Blondus
lib. VII. Hist. & Vincentius Bel-
 lovacensis in *Speculo Hist. lib. 31.*
 & inficetis ille Baronii continua-
 tor Abrahamus Bzovius, in *An-*
nal.

nal. Ecclesiast. ad A. C. 1245. unanimi consensu suo istud evincunt. Coccineus autem vestitus Paulum II. Pontif. auctorem agnoscit, teste Platina *in vitâ Pauli II.* & Johanne Baleo de Romanis Pontificibus *in Paulo II.* Neque verò decretum Constantini aut robur addit sententiæ Tholosani, aut splendorem conciliat Cardinalium ordini. Licet enim vel maximè per Viros reverendissimos Clericos, Cardinales intelligamus, utique intelligi possunt, sanè ex mente veterum hoc fieri par est, quo pacto à Cardinalibus nostri ævi, toto cœlo erunt diversi. De ipso vero decreto atque donatione Constantini in eodem fundatâ, jam pridem judicavit Johannes Freinshemius *Diatrib. I. de S. R. I. Electorum & S. R. E. Cardinalium*
Præ-

Præcedentiâ p. 19. hanc fabulam
 ceu meretricem anum à priori-
 bus suis amatoribus explodi. Sanè
 ex ipsis Romanæ sedis Defensori-
 bus eandem rejecerunt Raphael
 Volaterranus *Antbropol. lib. 23.*
 Nicolaus Cusanus, *de Concordiâ*
Catholicâ lib. III. c. II. Hierony-
 mus Paulus Catthalanus Canoni-
 cus Barcinonenſis, in *Practica*
Cancellariæ Apostolicæ ap. Rebuf-
fum p. 436. Franciscus Guicciardi-
 nus Patricius Florentinus *Lib. IV.*
Histor. p. 156. vid. quoque Gis-
 bertus Voëtius *Parte II. Disp. Se-*
lect. p. 868. Lucas Osiander in
Epitome H. E. Cent. IV. lib. 1. c. 38.
 Hermannus Conringius *de Ger-*
manorum Imperio Romano cap.
XIII. p. 117. Hildebrandus in Di-
 ſputat. peculiari *de Donatione Con-*
stantini M.

§. XIV. Præterea ex iis, quæ de antiquo vocis usu statuque Cardinalium veterum dicta sunt, palam est, prava opinione in transversum agi Franciscum Duarenum, *de Sacr. Eccles. Minist. & Benef. lib. I. cap. XIII. p. 1548.* censentem, Cardinales olim dictos esse Presbyteros non quosvis, sed *qui in majori Ecclesiâ, quam cathedrali dicimus, rem divinam cum Episcopo suo faciebant.* Ejusdem erroris sese participem fecit Carolus Molinæus *in Decretal. lib. I. Tit. XXIV. de officiis Archi-presb. Cap. II. & III.* asserens, *principales Sacerdotes cujusque parochiæ,* hoc venisse nomine. Provocat ad Gregorii M. Epistolas. Istæ verò longè aliud me edocuerunt. Cuncta enim si accuratius expendantur, deprehendes Cardinales omnes

omnes eos fuisse appellatos, qui certæ erant addicti Ecclesiæ, adeoque fixi, & in sede suâ permanentes, sine Ecclesiarum discrimine, aut graduum varietate. Hinc non immerito Johanni Freinshemio *de Electorum & Cardinal. Præced. p. 16.* vapulat Wolffius *in cent. XI. Lect. Memorab. ex Epistolis Scholarum Pragensis, Oxoniensis, & Parisiensis* referens: *Cardinales ante Gregorium non fuisse.* Utique ejusmodi Cardinales quales nostra vidit ætas non fuerunt. Fixos autem atque perpetuos fuisse Clericos, quis negaverit? Luculenter hac de re disserit Vir incomparabilis, simulque docet, quo pacto Cardinalium nomen, discriminis causa quibusdam fuerit proprium factum. Hinc cum sententiam Wolffii retulisset subjicit: *Atqui hoc*

boc idem est ac si quis assereret, olim in Academiis non fuisse Professores ordinarios, quia vix reperiatur ita subscribere solitos, quod tamen hodie fiat à plerisque. Per simile enim negotium est. Fuerunt uti Cardinales Clerici, sic Ordinarii Professores, illi ab Ecclesia, hi ab Academiarum initio, & poterant ita vocari, si retulisset. Nihil autem referebat donec Cardinales & ordinarii omnes fuerunt. Postquam autem supernumerarii quidam additi sunt, qui nomen quidem Clericorum atque Professorum ferrent, de cetero potestate, bonore, stipendiis inferiores essent, ad horum differentiam, uti nunc Professores ordinariorum h. e. verbis l. 2. C. de Professor. lib. XII. inter statutos connumerantur, ita olim Clerici Cardinalium express.

prefferunt nomen. Ea res evidentissime docet, quomodo factum sit, ut Cardinalis, in Clero dignitatis nomen esse cœperit.

Summa huc redit, ex antiquo vocis usu, omnes Clericos fuisse Cardinales, licet Cardinalium non usurpaverint nomen. Denotabat autem istud Clericum fixum & certo cœtui addictum. Causam vero, cur hoc nomen receptum & à fixis Clericis usurpatum sit, hanc esse, quod supernumerarii quidam accesserint, à quibus ut discernerentur, hoc fieri par erat. Exemplo hoc patet: Consulis atque Prætoris nomen in Romanâ Repub. illis competebar, qui tali magistratu fuerant functi. Cum vero sub Imperatoribus Consulum atque Prætorum insignia ejusmodi hominibus concederentur, qui talem
magi-

magistratum nunquam gesserant, obtinuit, ut ad illorum discrimen *Consulatu vel Præfecturâ functi* appellitarentur. Vel etiam *Consules ordinarii* audirent. vid. Gruteri *Inscript. CCCLXI. 1. add. Tacitus Annal. XIII. cap. 29. Chassanæus in Catal. glor. Mundi Part. IV. Confid. XII.*

§. XV. Qui vero Cardinalium nomen intra Romanæ Ecclesiæ limites coarctaverit, adeoque ex hodiernâ consuetudine antiquum illorum æstimaverit statum, valde à veritate aberrat. Per universum Christianum orbem ut munus, ita nomen Cardinalium, olim patuisse, haud difficulter evinci posset. Vel Gregorii Magni auctoritas ad hoc credendum nos adducet. Multa quidem ac egregia apud eum occurrunt, quæ nobis

nobis hoc persvadeant, illustre tamen præ ceteris est, quod ad Corsicæ Insulæ Sacerdotes nobilesque scripsit: *Ea de re quoniam Ecclesia Alariensis, Sagonensis Sacerdotis diu auxilio est destituta, necessarium duximus, Martinum Episcopum fratrem nostrum, ibidem Cardinalem constituere Sacerdotem.* Idem adhuc luculentius patet ex Epistola quam ad Januarium Archiepiscopum Caralitanum in Sardinia scripsit, de Liberato quodam, quem noluit Ecclesiæ istius Cardinalem constitui. Sanè veterum Historicorum monumenta si evolvamus, Ecclesiæ Constantinopolitanæ, Mediolanensis, & Compostellanæ Cardinales legimus. Præsertim vero Cardinales Ecclesiarum Gallicanarum sæpius memorantur, ut

Car-

Cardinales Ecclesiæ Sueffionensis in *Diplomate quodam Philippi I. G. R.* ut reliqua nunc taceam. Manifestum hoc præterea ex eo est, quod, licet Cardinalium nomen deinceps Solis Romanis Clericis hæserit, nihilo secius, in quibusdam Ecclesiis vestigia moris antiqui, per aliquot secula permanferint. Namque in Ecclesiâ Ravennatensi Canonorum Cardinalium nomen tamdiu in usu fuit, ut demum A. 1568. per Pium V. P. R. fuerit abrogatum, luculento documento, olim quibusvis Clericis hoc nomen fuisse tributum. Quod autem Hieronymus Rubeus, in *Historia Ravennatensi lib. V. p. 232.* duplicis generis Cardinales facit, alios Romanos alios verò non Romanos, parum ab imprudentiâ abest. Si enim sequius ævum respiciat,

ciat quo jam soli Romani Clerici hoc nomen sibi vendicabant, frustra profecto eos ita discernit. De veteribus autem si loquatur, perinde est ac si Clericos in Romanos & non Romanos distinxisset. Nihilofecius istud non inficiatus fuero, crescente paulatim Episcopi Romani auctoritate, Cardinales quoque Romanos ceteris se superiores existimasse. Colligitur istud, nisi me omnia fallunt, haud difficulter ex Capitulis Aytonis Episcopi Basileensis, Romanos Titulos, *Cardinales primæ sedis* appellantis. ap. Carolum du Fresne Dom. du Cange *in Gloss. v. Cardinalis.*

§. XVI. Equidem quo præsertim tempore nomen Cardinalium, Clericis omnibus fixis commune, soli sibi vendicaverint Romani,

C

mani,

mani, definire præceps esset & temerarium. Certè assentire nequeo Polydoro Vergilio qui, erectâ per Bonifacium III. ad primum supremæ dignitatis gradum Romanâ sede, Clericos quoque Romanos, non tantum majores sumpsisse spiritus, sed & ut communi sorte se exemptos ostenderent, proprio hoc & peculiari nomine, voluisse insigniri, contendit *lib. IV. de Inventor. Rerum cap. IX. p. 253.* Hunc quippe finem feratibus istis de suprema auctoritate certaminibus, quibus hætenus Constantinopolitani pariter ac Romani Præsules se invicem vexaverant, imposuit Phocas Imperator, ut rejecto Byzantino Antistite, penes Romanum per universum orbem summam rerum sacrarum esse juberet. Malè partum imperium

pejoribus artibus firmandum fuit : gratiamque Pontificis vel quidvis concedendo conciliare sibi, consultum putabat Imperator, ne repulsâ irritatâ alienos à Græcorum dominio Italorum animos impelleret ad jugum quatiendum, potentiamque illorum penitus concalcandam. vid. Paulus Diaconus *in Histor. Miscellâ lib. 18. p. 312.* Sigebertus *ad A. C. 607.* & qui vitas Pontificum litteris consignarunt, Luitprandus, Albo-Floriacensis, & Anastasius Bibliothecarius *in vitâ Bonifacii III. add.* Spondanus *ad A. C. 107.* Primum itaque gradum ad imperium aliquod absolutum Pontificum Romanorum, cum struxerit Bonifacius, simul Romanum Clerum præceteris eminere cæpisse, vix est quod ambigam : inde tamen

nondum evicit Polydorus Vergilius, Cardinalium nomen eo tempore iis solis fuisse vendicatum. Omni documento itaq; cum destituatur, procul eum facessere jubemus. Quin ex eo quoque refellitur, quod Caroli M. tempore, adeoq; post Bonifacium III. Gallicanos Clericos Cardinales appellatos fuisse palam sit ex Can. 54. Concilii Metensis, quod & ex eodem rectè colligit Stephanus Pasquier *in Recherches de la France* lib. III. cap. III. Sensim itaque apud cæteros usum hujus vocabuli in desuetudinē abiisse, ut penes Romanos Clericos tantum maneret, arbitror. Haud absimile quidem fatum fuisse nomen *Pape*, itemque *Catholici* advertit Johannes Georgius Fueslinus *in Conclav. Rom. referat. Dissertat. III.*

non
cum

cum enim promiscuus eorundem
 usus quondam obtinuerit, in reli-
 quis Ecclesiis ita oblitterata sunt,
 & oblivioni quasi tradita, ut sola
 Romana eadem¹ conservaret, iis-
 demque ceu præcipuæ dignitatis
 signis sese efferret apud posteros.
 Namque omnes Episcopos, Papas
 quondam dictos esse, vel ex eo
 colligit Claudius Salmasius *de Pri-
 matu Papæ Cap. I. p. 11.* quod
 nihil aliud quam Patrem denotet.
 Hoc autem honoris titulo, non
 apud Christianos tantum, sed Eth-
 nicos quoque gaudebant, quicun-
 que sacris præerant: Solis quippe
 Romanis Præsulibus hoc nomen
 antiquitus convenisse, nemo hi-
 storix peritus asseret. Namque
 & Cyprianus *lib. II. Epist. 31. p. 71.*
edit, Pamel. ab ipsis Romanæ Ec-
 clesiæ Presbyteris Papa salutatur;

& Galerius à Cypriano, quærit:

Tunc es quem Christiani suum Papam nominant ap. Nicephorum

lib. VI. cap. IV. Pari ratione Dio-

nysius Alexandrinus Heracium

prædecessorem suum Papam voca-

vit, eodemque nomine Eulogium

Alexandrinum Episcopum insi-

gnitum, deprehendimus. Quin

Hieronymus hunc titulum defert

Augustino, in omnibus prope Epi-

stolis, & Augustinus *Epist. II. 13. 14.*

& alius Tom. II. Op. edit. Basil. Aure-

lium Episcopum Papam nomina-

re non dubitavit. Quemadmo-

dum igitur successu temporis soli

Romani Præsules hoc nomen o-

stentarunt: Ita prorsus cum Car-

dinalibus sese res habuit, ut soli

retinerent, quod reliqui negle-

xerant. Non tamen est quod du-

bitem, quin multum huc contu-

lerit

lerit Romani Cleri arrogantia. Etenim ut dignitate, ita nomine quoque à reliquis Clericis diversos prorsusque distinctos, sese, cupiebant. Tam impotenti superbia autem ut sese efferrent, splendor atque potentia Urbis fecit. Præsulum enim ipsorum dignitatem, ex urbium quas incolebant potentiam metiri, quandoque moris fuit. Romanam itaque urbem cum ipsi Imperatores ceteris omnibus præferebant, Præsul quoque Romanus aliis cedere turpe ducebat. Præsulis exemplum sequebantur Clerici. Unde Raphael Volaterranus *lib. XXI. I. Antropol. Sicut Urbis Romæ Episcopus ceteris præstabat, sic etiam Clerus Romanus &c.* Hinc jam tempore Hieronymi, Romani Clerici eo usque progressi sunt inaudita superbiæ, ut Dia-

coni Urbis Romanæ, reliquarum Ecclesiarum Presbyteris cedere nollent. Extorsit ea res gravissimas querelas ipsi Hieronymo : *Legimus, inquit, Epist. 85. fatuus fatua loquetur. Audio quendam in tantam erupisse vecordiam, ut Diaconos Presbyteris, id est, Episcopis anteferret. Nec urbis nobilitatem communibus legibus Clericos Romanos eximere postea edisserit: Nec altera Romana Urbis Ecclesia, altera totius orbis existimanda est, ubicunque fuerit Episcopus, Roma sive Eugubii, ejusdem meriti, ejusdem est & Sacerdotii. Potentia divitiarum & paupertatis humilitas, vel sublimiorem vel inferiorem Episcopum non facit. Acerbius in eosdem invehitur, quando Clerum Romanum Senatum Pharisæorum, & imperitia factionem*
vocat.

Vocat. *Proœm. in lib. Dydimi de Spiritu S.* Prorsus hunc in modum, in querulas voces, indignabundo erumpit auctor Quæst. V. & N. T. quem vulgo Augustinum esse censent. *Quidam, inquit, qui nomen habet Falcidii, duce stultitiâ & civitatis Romana jactantiâ, Levitas Sacerdotibus, & Diaconos Presbyteris aquare contendit, ne dicam præferre. Sed quia Romana Ecclesiæ ministri sunt, idcirco honorabiliiores putantur, quam apud ceteras Ecclesias, propter magnificentiam Urbis Romana, quæ caput esse videtur omnium civitatum. &c.*

§. XVII. Omni itaque dubio ut careat nostra commentatio, Cleri Romani conditionem, paulo accuratius intueri juvat. Cum enim hinc hodierni Cardinales enati sint,

nihil certè magis nostro instituto convenire potest. Hic vero initio quidem nihil à communi ceterarum Ecclesiarum more ab horrensprehendimus. Namque tribus potissimum gradibus in eâdem discernebantur, quotquot rerum sacrarum gerebant curam, tres ordines majores, Juris Canonici interpretes, appellitare solent. Primum quidem locum in sacra hac societate tenebat Episcopus, alterum Presbyteri occupabant, tertius concedebatur Diaconis. Et hosce quidem omnes ab ipso Numine institutos, propriisque muneribus distinctos esse, multi non Romanenses tantum, sed alii quoque clarissimi Viri, sibi persvaserunt. Saltem Episcopos divino jussu Presbyteris esse superiores, functionibusq; ab iisdem diversos cre-

crediderunt præter Bellarminum
lib. de Clericis Cap. XIV. in Angliâ,
 quicumque Episcoporum summæ
 auctoritati hinc consultum cupi-
 unt; Johannes Prideaux Wigor-
 nienſis Episcopus *Fascic. IV. Q. II.*
Oper. fol. 639. seqq. Josephus Hallus,
Episcop. Part. I. c. IIX. Hammon-
 dus *de Juribus Episcopat. Part. I.*
§. IIX. Hadrianus Sarravias *de di-*
versis Minist. Eccles. Grad. Lib. I.
cap. 20. 21. seq. Robore autem
 an polleant, quibus hanc suam
 sententiam munire annituntur,
 alii judicent. Ego sane nullum Epi-
 scoporum Presbyterorumq; discrimen
 Apostolico ævo deprehende-
 re potui. Etenim sacram istam so-
 cietatem, quæ deinceps Ecclesiæ
 nomen induit, æquè ac civilem,
 simplicissimo modo & institutam,
 & initio gubernatam esse, vix est

quod ambigam. Sine ordine itaque atque regimine, cum nihil aliud quam turbæ atque extrema perniciēs sperari possit, summam rerum utrobique penes seniores initiō DEUS esse voluit, quod peritia atque usus rerum pollentes, nec variis cupiditatibus obnoxii maxime apti ad hoc ipsum viderentur. Mox in horum locum successerunt alii, non tam ætate quam prudentiâ, vitæ sanctitate atque integritate morum, Senioribus æquiparandi. Inde invaluit, ut qui cætibus præerant, hominesque erudiebant, adeoque summam rerum sacrarum tenebant, communi nomine *πρεσβύτεροι* appellitarentur. Horum præcipuum munus erat *Ποιμαίνειν*, curam agere gregis sibi commissi, ut Medicus de salute ægroti sollicitus est, ita enim

hâc

hâc voce usus est Xenophon. Inde factum ut Presbyteri, quandoque Episcopi vocarentur. Ceterum duplex erat Presbyterorum genus docente Claudio Salmasio *de Primatu Papæ Cap. I p. 4.* Alii populum docebant, & orationi tantum vacabant. Alii sacramenta administrabant. Illi διδάσκαλοι dicti, *Doctores ac Magistri.* Eorum etiam cathedra propria fuit: quin successu temporis præ reliquis Presbyteris ita eminere cœperunt, ut Episcoporum nomine tantum insignirentur, & in ceteros quoddam dominium sibi vindicarent. Et ita demum Episcopos à Presbyteris distinctos esse, erudite demonstravit *Salmasius*, non tantum, in *lib. de Primatu Papæ*, sed & sub nomine Walonis Messalini, in *Tractatu de Episcopis & Presbyteris*

byteris per VI. Capita. Huic jungatur Zieglerus qui de *Episcopis*, & Zimmermannus qui de *Presbyteris* ex instituto egerunt. Omnes profecto qui contrarium afferere audenti conticescere jubet Hieronymus in *Epistolam ad Titum*: Idem Presbyter qui Episcopus, Et utroque quam diaboli instinctu diffidia in religione fierent, Et in populi diciretur, Ego Pauli, ego Cepha, communi consilio Presbyterorum Ecclesie gubernabantur. Postea ut dissensionum semina evellerentur, ad unum omnis sollicitudo est delata. Diaconos autem quod attinet eosdem ab ipsis jam Apostolis fuisse constitutos Divus Lucas, memoriae prodidit. Ast munus illorum in eo absolvebatur ut pauperum curam agerent & Ecclesie bona administrarent. Certe hoc
divi-

divinitus per Lucam edocti sumus,
 & suo etiam calculo approbat Oc-
 cumenius in *Collectaneis ad Acta*
Apostolorum, cujus auctoritate
 etiam Thomam de Vio Cardina-
 lem Cajetanum, contra Baronium
 defendit Sixtus Senensis *Biblioth.*
lib. VI. annot. 225. Turpiter igitur
 falluntur qui Diaconos, ab A-
 postolis institutos etiam *ministros*
Altaris fuisse contendunt, quod
 præter Alphonsum Salmerorem,
 & Casparem Sanctium in *Com-*
mentar. ad Act. Apost. Cap. VI.
 etiam agit Jacobus Pamelius *ad*
Cypriani Epist. 65. Hosce omnes
 vero refellit Canon XVI. Concilii
 Constantinopolitani VI. in Trullo
 habiti, in quo præeunte Johanne
 Chrysostomo mysteriorum ista
 dispensatio à munere Diacono-
 rum removeretur. Nec aliud jam
 præ-

præsidium Romanensibus superest, quam ut Canonis istius, atque totius Concilii auctoritatē in dubium vocent, sicuti Severinus Binius fecit, *in Notis ad hoc Concilium*, invito licet Hadriano Pontifice apud Gratianum c. sextam, dist. 16. & Nicephoro Episcopo Constantinopolitano *in Capitibus contra Iconoclastas*: vid. Zieglerus *de Diaconis & Diaconissis Cap. III,*

§. XVIII. Jam itaque, qua ratione in Ecclesia Romana hi ordines sint instituti breviter expediendum est. Qui ad Petrum Apostolum Cleri Romani adeoque Cardinalium institutionem referunt, nubes & inania prensant, cum incertum hucusque sit, an Romæ fuerit, aut Romanum gesserit Episcopatum. vid. Ulricus Vellenus, *in libello peculiari, qui 18. rationibus*
boc

boc impugnavit. Marsilius Patavinus in *Defensore Pacis ap. Mechiiorem Goldastum in Monarchia S. R. I. p. 258.* it. Nicolaus Vedelius in *Tractatu peculiari de Cathedra Petri*, add. Vir incomparabilis Joh. Henricus Heideggerus in *Historia Papatus p. 4. it. s. seqq.* alii-
 que. Nec certiora sunt quæ de Cleto aut Evaristo, aliisque antiquioribus Pontificibus vulgo traduntur. Hieronymus Plati *ap. Auctorem Galeri Cardinalitii p. 3.* Hyginum Pontificem certos constituisse Titulos autumat, iisdemque Presbyteros junxisse ac Cardinales. Sed cum idoneis ad hoc evincendum documentis destituatur, haud temerè istud affirmaverim. Sane antiquissimam esse Diaconorum pariter ac Presbyterorum in Ecclesia Romanâ constitutio-

tutionem, vel exinde liquet, quod ad Apostolicæ Ecclesiæ formam statim reliquæ omnes fuerint compositæ. Ceterum septem Diaconos olim Romæ fuisse constans est plerorumque sententia, non equidem ut Hierosolymitanæ Ecclesiæ imaginem tam accuratè exprimeret, in qua totidem creatos fuisse legimus, sed quod VII. regionibus urbis Romanæ ambitus comprehenderetur, quarum unicuique suus destinatus erat Diaconus. Crescente autem indies Christianorū numero, Diaconorum quoque multiplicatus est labor, adeoque singulis regionibus duos dare Diaconos placuit: quibus tandem quatuor Diaconi Palatini accedere, qui in Palatio Episcopi Romani hoc munere fungebantur. Inde adeo duo de viginti Romanæ urbis facti.

facti sunt diaconi, quos subsequenti ætate certis quoque Titulis, ut Presbyteros, adscriptos accepimus. Presbyterorum autem ingentem Romæ fuisse multitudinem, necesse est, tum ob Titulorum copiam, tum etiam quod ad unum Titulum plures pertinerent Presbyteri. Namque jam in Concilio Romano Presbyteros Tituli S. Sabinæ tres, S. Praxedis duos, &c. adfuisse legimus. vid. M. Antonius de Dominis *loco suprà cit.* Cletum Pontificem 25. constituisse Presbyteros fama est. Sed dubio istud non caret. Certius illust est, quod Eusebius tradit *lib. VI. H. E. c. 35.* Cornelii Pontificis ætate 46. Presbyteros Romæ vixisse. Quod vero Franciscus Zabarella & Martinus Cisterciensis autumant, Pontiani Pontificis ætate 236. Presbyteros Romæ

Romæ fuisse, omnem fidem excedit. Sane post ætatem Caroli M. 28. Presbyteros & quidem Cardinales numerarunt, eo quod ad unamquamque Ecclesiam, ut vocant, Patriarchalem, septem Presbyteri Cardinales pertinerent. Quinque autem Ecclesiæ Patriarchales Romæ conspiciuntur, in quibus magna mysteria captat Hieronymus Lunadoro l.c. quas ligato sermone ita expressit Onuphrius Panvinius *loco supra citato*:

Paulus, Virgo, Petrus, Laurentius, atq; Johannes,

Hi Patriarchatus nomen in urbe tenent.

Johannis nomen quod gessit templum deinceps Lateranense dictum est, cujus ministerio destinati sunt septem Episcopi Cardinales ut postea demonstrabitur. Reliquis

quis quatuor ædibus Patriarchalibus cum addicti sint Presbyteri Cardinales, & quidem unicuique earum septem, numerus antea indicatus ut hinc resultet necesse est. Utrum autem Diaconi, an Presbyteri Cardinalium nomen prius usurpaverint, non definierim. Certè Fueslinus *in Conclav. Rom. Reserat. p. 244.* primum Presbiteros, mox Diaconos & tandem Episcopos hoc nomine fuisse insignitos, haud obscure innuit. Causa vero non alia eos ad hoc impulit, quam quod præter fixos & ordinarios alii quoque Romæ viverent Presbyteri, non tamen, ut barbarè loquebantur, *incardinati*, à quibus hoc modo discerni volebant. Episcopos vero quod attinet, si ex antiquæ Ecclesiæ præscriptis iudicium ferendum, istorum

rum

rum unusquisque in suo Episcopatu erat Cardinalis. Namque ut Episcopus in alienâ Ecclesiâ fieret Cardinalis Presbyter inauditum erat, & à receptis moribus prorsus alienum. Luculentum istud adeò est, ut nec ipse diffiteri potuerit Onuphrius: *Antiquitus porro mos fuit, inquit, qui etiam per mille annorum spatium servatus est, ut Presbyter Cardinalis urbis Romæ, neque Episcopus esset, neque Episcopatum administraret, vel ex Episcopo Presbyter fieret Cardinalis.* Ut verò in omnibus ita etiam hâc in parte à veteri disciplinâ discessum est. Namque cum jam Caroli M. tempore Cleri Romani nimium quantum aucta esset dignitas, septem circumvicini Episcopi Cardinalium Romanorum ordini accenseri non detrectarunt.

Alba-

Albanum innuo Episcopum, Osti-
ensem, Portuensem, S. Rufinæ, Tu-
sculanum, Prænestinum & Sabi-
nensem, licet deinceps Portuensis
Episcopatum S. Rufinæ, suo junxe-
rit. Penes hosce quippe munus
consecrandi Episcopum Roma-
num jam olim fuit, Ceterum, licet
à moribus veterum prorsus alie-
num sit Episcopum Cardinalem
fieri in alienâ Dioecesi, nihilosecius
tamen Dominicus à Soto, *lib. III.
de Justitiâ & Jure Quæst. V. artic.
III.* eatenus istud excusandum esse
autumat, quatenus hi Episcopi ob
vicinitatem haud difficulter utro-
que fungantur munere, adeoque
omnes istæ Ecclesiæ seu unitæ cum
Romanâ censeantur, erantque,
juxta eum, omnes isti Præsules in-
star Chorepiscoporum, in una
Dioecesi Romanâ constitutorum.

vid.

vid. Macri Fratres *in Hierolexico*
p. 125. Quod vero deinceps Episcoporum Cardinalium aucti sint Tituli, adeoque libertas eis concessa fructum utriusque muneris percipiendi, cum tamen ritè utroque fungi nequeant, cum summo piaculo conjunctum esse nonnulli ex ipsis Romanensibus pronuntiarunt. Summa itaque huc redit post Caroli M. ætatem ex 18. Diaconis 28. Presbyteris, & 7. Episcopis Cardinalibus Romanum constituisse clerum: quem Cardinalium numerum per aliquot etiam durasse secula constat: donec tandem mutata Ecclesiæ Romanæ fortuna numerus quoque Cardinalium vel diminueretur vel augetur, Sixtus V. vero decreto sanciret septuaginta ut essent Cardinales, totidem quoque constitutis Titu-

Titulis, qui septuaginta Servatoris discipulos referrent ac repræsentarent. Pluribus hæc omnia exequitur Hieronymus Lunadoro in *Relatione della Corte di Roma & di Riti di osservassi in essa, & de sui Magistrati, & offici, con la loro distinta giurisdittione.*

§. XIX. Nunc vero discrimen veterum & recentiorum Cardinalium haud obscurū esse potest. Quod ut eo rectius intelligatur, operæ pretium me facturum arbitror, si ea, quæ M. Anton. de Dominis, *de Repub. Ecclesiast. p. 392.* prolixius ex Gregorii Magni Epistolis, aliisque antiquis monumentis, de Cardinalium veterum conditione differit, in compendium mittam, ex quibus haud difficulter hæc colliges: (1.) Cardinales non tantum à Papa creatos, contra ac
D hodie

hodie receptum est. *vid. Sprenger*
I. P. XXXV. (2.) nec in Romana
 tantum Ecclesia *vid. supra §. XV*
 (3.) Clericos alicujus Ecclesiæ non
 Cardinales, ultimū inter sui ordi-
 nis alios tenere locum. (4.) *Incar-*
dinari, liceat namque mihi ad for-
 mulam scriptorum Ecclesiastico-
 rum loqui, in aliā Ecclesia nemi-
 nem, qui fuerit in aliā *cardina-*
tus, nisi priori obligatione soluta.
 (5.) Plures in eādē Ecclesiā Diaco-
 nos fuisse Cardinales. *Vid. Fuesli-*
nus in Conclav. Rom. Rer. Dissertat.
V. Sect. II. Hæc omnia vero si cum
 hodierno Cardinalium statu con-
 tendantur, in plerisque secus istos
 se habere nunc, deprehendimus.
 Præsertim vero munere & hono-
 ris gradu à se invicē discernuntur.
 Cum enim veteres illi nihil prius
 aut antiquius duxerint quam æ-

grotorum pauperumque curam
 agere, aut etiam erudire populum,
 Deumque placare precibus, mise-
 risque delictorum impertire ve-
 niam, reliquasq; Diaconi, aut Pres-
 byteri implere partes, hi contra
 orbis dispensare fata, civilibus di-
 stineri negotiis, in Regum Princi-
 pumque versari aulis, Legatorum
 munere fungi, perhonorificum
 sibi ducunt. Nec enim inter sacri
 ordinis homines hosce quisquam
 retulerit, nisi qui Romanam au-
 lam templum sanctissimum arbi-
 tretur, in quo variis artibus, quan-
 doque nefandis consiliis, quibus
 regnorum in discrimen vocatur
 fortuna, ritè colatur Deus. Hæc
 sacra ab ejusmodi Sacerdotibus
 non aliena esse, haud difficulter
 crediderim. Præterea honoris
 gradu ita à veteribus distinguun-
 tur,

tur, vix ut vestigium pristinæ modestiæ in illis conspicias. Namque supra Episcopum sese efferre nunquam ausus est Presbyter Cardinalis. Hodie vero non certior ad Cardinalitiam dignitatem via est, quam Episcopatus. Nec vero hic substitit ambitio. Regibus ipsis æquiparari cupiunt. Jam Friderici I. Imp. ætate, Cardinales se Fratres Imperatoris appellarunt. Ita enim Imperatorem alloquuntur apud Crusium *Annal. Suev. ad A. 1157. Salutat vos beatissimus Pater noster Papa Adrianus: & universitas Cardinalium S. Romanæ Ecclesiæ: ille ut Pater; illi ut fratres.* Unde minus mirandum quod Carolus V. Imperator Cardinalem Wolsæum tanto affecerit honore ut in litteris se appellaverit: *Vostre fils & Cousin Charles.* vid.

vid. *Annales Rerum Anglican: ad A. 1522.* add. Anton. Maria Gratianus à Burgo S. Sepulchri de *Casib. Vir. Illustr. p. 166.* Quin palam istud asserere, seque adeo Regibus æquales ferre non dubitant. vid. Cassanæus in *Catal. glor. Mundi Part. IV. Consil. X.* & quæ Lansius *Orat. pro Ital. ex Stapleton in Admirandis Eccles. Romanæ lib. II. Cap. III.* adducit. Episcopos vero quod attinet, jam sub jugum missi sunt, ut vix quisquam sua recuperare jura audeat. Quod enim Baronius in antiqua Ecclesia Episcopos Cardinalibus fuisse inferiores contendit *ad A. C. 831. n. 81.* in eo turpiter fallitur. Licet enim vel maxime in Concilio Ephesino Presbyteri, Romani Episcopi Legati, ceteris Legatis Episcopis prius subscripserint, constat tamen in

codem concilio sæpius Episcopis primum, Presbyteris illis, secundum locum fuisse concessum. Istud vero nunc non ago. Patet enim fatis in hisce omnibus hodiernos Cardinales veteribus adeo dissimiles esse, ut nihil omnino commune inter se habere videantur. Nomen igitur ad huc servant, vitæ genere ac tota instituti ratione à veteribus prorsus diversi. Hoc autem qua ratione fieri potuerit eleganter edisserit Freinshemius *l. c. p. 21. Plane enim, de Cardinalibus loquitur, factum est quod exemplo nasi docet Aristoteles, quem ait, à justà constitutione figuraque leviter exerrantem, esse tamen nasum: si longius producas, deformem quidem illum, sed tamen nasum fore, si longissime ne nasum quidem. Cum hisce conveniunt quæ Vir quon-*

quondam in omni doctrinæ genere excellentissimus Caspar Zieglerus, in *Natis MStis ad Francisci de Roy Institut. Juris Canonici lib. I. Tit. 14. Differit: Appellatio Cardinalium nata quidem olim fuit, sed non in eâdem significatio- ne, quâ nunc usurpatur. Nam vetustior est, quam auctoritas qua hodiè polent Cardinales. Idem etiam calculo suo comprobant Franciscus Juretus, ad Ivonis Carnotensis Epist. 231. Petrus Josephus Cantelius de *Metropolitanis Part. II. Dissertat. V. aliique. Nihilominus* præter nomen etiam Ordinum discrimen servarunt, ut hodie quoque alii Cardinales Episcopi, alii Cardinales Presbyteri vel Diaconi appellitentur. Cui accedit, quod quandoque ad pompam atq; inanem ostentationem sacris*

fungantur muneribus, qua de re videatur Hieronymus Lunadoro *de la Corte di Roma, passim.*

§. XX. Quare si de hodiernæ dignitatis Cardinalitiæ origine disceptatio instituatur, aliâ viâ ad arcem rei contendendum est. Et Antonius quidem Bengæus ut & Franciscus Pinsonius, apud Zieglerum *Not. in Francisc. de Roy* l.c. certi quid definire non audent, sed summiæ istius dignitatis regiæ haud absimilis, imò majoris ambiguum esse ortum, pronunciant. Utique nēmīne animadvertente incrementa sumpsit, tum Antistitum Romanorum, tum etiam ipsorum Cardinalium auctoritas. Etenim uno anno in arborem vix excrefcit parvus surculus, nec semina terræ concredita uno die adolescent: ita munera & dignitates,
non

non sanè eo anno quo initium sumunt etiam fastigium assequuntur. Censorum munus apud Romanos, à parva origine ortum, Titus Livius autumat, *Dec. I. lib. IV. p. m. 69.* tanto deinde incremento auctum fuisse, ut morum disciplinæq; Romanæ penes illud regimen, senatus equitumque centuriæ decoris dedecorisque discrimen, sub ditione ejus Magistratus, publicorum Jus privatorumque locorum, & vectigalia Populi Romani, sub nutu & arbitrio essent. Sacrum istud Electorum S. R. I. nomen, quem latet? antiquitate pariter ac dignitate venerandum. Horum vero origini qui certum annum, certumque tempus assignare voluerit, nã! eum rudem atque expertem omnium eorum esse oportet, quæ

apud Henricum Guntherum Thulemarium, *lib. de Octo-viratu*, Simonem-Schardium *de Principum, quibus electio Imperatoris in Germaniâ commendata est*, origine seu Institutione, aliosque hac de re disceptantur. vid. Marquardus Freherus *ad Petrum de Andlo p. 148.* Gerlacus Buxtorffius *Ad Cap. I. A. B. §. XIV. p. m. 262.* Hoc pacto itaque, Cardinalium quoque origo, temporis diuturnitate ac lentis incrementis recta, facilè inquirentiû industriæ sese subtrahit, atq; occultatur. Juvat tamen expendere ipsa intervalla auctæ dignitatis, quæ, quo longio à primo fonte distant eò manifestius augmenta ordinis hujus nobis sistunt. Neque omnino rectius judice Nicolao Machiavello *in Histor. Florent. lib. 1. p. 21.* Cardinalium fata quisquam

quam

quam intellexerit, quam si ipsorum Præsulum Romanorum fortunam, exurgentem paulisper, & reliquorum conditionem superantem, secum reputaverit.

§. XXI. Ritè vero ut series rei expediatur, in quo Cardinalitia dignitas præcipuè consistat prius evolvendum est, hoc enim si ignoretur, frustra in detegenda, ejus origine quis laboraverit. Et licet ista multa in se complectatur, quæ evehant hunc ordinem, ac venerandum omnibus, eundem reddant: præcipuum tamen istud esse arbitror, quod jure eligendi Pontificem gaudeant. Manifestum hoc adeò est, ut ipse Robertus Bellarminus *lib. I. de Clericis cap. XVI.* post munera quæ cum reliquis Clericis communia eis esse dicuntur, officium eligen-

di Pontificem, eis vendicaverit. Mihi vero perinde est, quo titulo hoc jure fruantur, licet Sorbonicæ Scholæ Doctores, cum Thomâ de Vio Cardinale Cajetano acriter hac de re rixentur. Etenim Cardinalibus non competere jus eligendi Pontificem statuunt, nisi auctoritate universi Christiani Orbis, quem exhibere hic Purpuratorum Senatus videtur. Quorsum videatur Almainus *de Auctoritate Eccles. XI. Cap.* & Torcellanus *de potestate Papæ, apud M. Anton. de Dominis de Repub. Ecclesiast. Part. I.* Hinc vel invitis Cardinalibus alium posse Pontificem eligi, decernunt si summa ista Ecclesiæ potestas in Concilium aliquod derivetur, vel etiam aliis de causis eripiatur Cardinalibus. vid. Albanus *de Cardinal. qu. 35.* Azorius

rius *T. II. lib IV. c. III. qu. 13.* Equidem si Cardinalium ipsorum iudicio in hoc certamine standum sit, nullus dubito, quin execraturi sint eam opinionem, quæ Conciliorum auctoritati ita consultum cupit, ut de Cardinalium dignitate aliquid sit detrahendum. Nihilofecius vulnus ejusmodi longe gravissimum huic ordini inflictum fuit à Concilio Constantiensi. Et enim Johanne, Benedicto atque Gregorio de suprema Sacerdotii Romani dignitate inter se dimicantibus, universus propemodum orbis trahebatur in partes, parumque aberat, quin in bella mutuasque cædes Principes armasset dira superstitio. Sane Pontificum pectora ambitio ita urebat, ut vel totius Europæ ruinâ & ferali clade, furori suo litare justum arbitra-

rentur, modo unâ æmuli perirent. Jam per quinquaginta annos hoc morbo laboraverat Christianorum cœtus, fessusque ac fatigatus tam longâ calamitatû serie, Concilio convocato, adhibere medellam rebus perditis propemodum ac profligatis sategit. Hinc injusti ipsi Pontificiæ dignitatis usurpatores, haud secus ac par erat, dejecti de sede, omnibusque honoribus spoliati, inconsultæ arrogantia, orbisq; non impunè turbati documentum posteritati reliquerunt. Summa rerum Ecclesiasticarum igitur, non à Cardinalibus, ut hactenus moris fuerat, sed à Concilio Martino Pontifici committitur : haud immerito fremente Purpuratorum Patrum Senatu, provinciæ non bene administratæ crimen haud obscure sibi exprobri:

brari:

brari: simulque in exemplum abire istud Constantienſium Patrum facinus, omnibusque adeò palam fieri, quam precariò, iſto eligendi Antiftitem Romanum Jure fruuntur. Sed temporum conditioni mores attemperandos cenſuerunt, conſenſu ſuo hinc adprobantes, ratumque & firmum eſſe jubentes, quod vel maximè reclamantes impedire haud poterant. Vid. *Historia Constantienſis Concilii* ap. Gobelinum Perſonam, in *Cosmodrom: etat VI c. 94.* Æneam Sylvium in *Hiſtor. Bobem. c. 36.* Flav. Blondum. *Dec. III lib. I. p. 399.* add. Platina *de vitis Pontif. in Joanne XXIV.* Quare electionem Pontificum ab ipſa dignitate Cardinalitia, aliquando ſejunctam fuiſſe hinc eluceſcit: nihilo-ſecius tamen arbitror, Cardinales ſi hæc facul-

facultate destituantur, cœlestibus sideribus, alterius corporis interventu obfuscatis haud esse absimiles. Adeoque si istud jus eis eripiatur, præter nomen, nihil omnino ornamenti atque splendoris, penes eos, mansurum. Quæ utique eo pertinent, ut evincam, omne momentum hujus dignitatis hac electionis potestate contineri, ut eo facilius scaturigo ipsa detegi deinceps possit. Perinde autem est, ut antea indicavi, siue ceu Clerici Romani hoc jure fruantur, siue ceu Principibus universum orbem Christianum referentibus hoc eis competat. Ultimum istud perhonorificum sibi ducebant apud Bartholomæum Gramondum *in Historia Ludovici XIII. lib. I. p. 55.* in eo vel maximè causæ suæ præsidium collocantes, cum
in-

inter illos & Franciæ Pares, de primo honoris dignitatisque gradu, lis exorta esset; *Ecclesiæ principatui, inquiunt, non esse terminos, nisi quos habeat universus orbis, cui dat Ecclesia legem: eâ ratione Cardinalium jura valere in omni loco. Parum è dignitate Episcoporum esse, quod in Principes suos contendant; lethalem fore victoriam si per vana honorum aucupia, vis Ecclesiastici Principatus resolvatur. Romana sedis hostium plus æquo esse, in Petri Cymbam omni ex parte conspirantium, quam ut debeat civili inter fratres discordia concuti. Si Cardinales Ecclesiæ Principes esse non diffiteantur Episcopi, quid controversiâ de sede moverent? Quæ omnia evincunt, præcipuum munus Cardinalium esse ut Pontificem eligant, & hac ratio-*

ratione Principes sint totius orbis Christiani, ita ut huic tota dignitas Cardinalitia haud immerito inniti videatur. conf. Torcellanus *de Potestate Paparum. VII. & XII.*

§. XXII. Huc prope accedit alterum istud, quod licet communi sorte Cardinales eximere videatur, splendoremq; haud exiguum eis conciliet, neutiquam tamen cum priori dignitatis gradu contendere debet. Frustra quippe ad summum Sacerdotii Romani fastigium aliquis adspiraverit nisi prius in Cardinalium numerum fuerit relatus. Assuescere nimirum illos hac ratione rerum sacrarum pariter ac civilium tractationi oportet, si Arrogonio credimus *in 2. 2. D. Thoma, qu. 63. a. 2. contr. 2.* ut deinceps orbis totius regimini admoti, majori prudentia atque peri.

peritiâ instructi, eò felicius & sibi
 & aliis consulere queant. Contra
 si aliunde petendus esset, cui cul-
 men istud concrederetur, ma-
 gnum imperio huic imminere pe-
 riculum, ne diutius, quam par est,
 Duce destitutum, in magnum di-
 gnitatis & amplitudinis amitten-
 dæ discrimen adducatur. Accedit,
 quod litibus maximis de conse-
 quendo hoc fastigio, exorituris,
 nullum adhiberi promptius reme-
 dium potuisset: cum omnes illi
 spe ista se excidisse facilè intelli-
 gant, qui inter Cardinales non nu-
 merantur, quos ceteroquin ad res
 novas moliendas concitare po-
 tuisset, ambitio. Profecto infelici
 exemplo hoc docuit Constantinus
 quidam, qui nullis unquam sacris
 initiatus, fraude atque vi supre-
 mum Pontificis invaserat munus.

Cu-

Cujus quidem profanæ audaciæ gravissimas pœnas dedit, namque Romani Concilii auctoritate dejectus, luminibus orbatus, misere tandem periit. vid. Baronius *ad A. C. 769. n. IV.* Hac occasione Stephanus III. Pontifex, qui eundem excepit adductus, nemini nisi Ecclesiæ Romanæ Cardinali, ad Pontificatum viam patere voluit, idque decreto sanxit: *Ne ullus unquam præsumat Laicorum, neque ex alio ordine nisi per gradus ascendens, Diaconus aut Presbyter Cardinalis factus fuerit, ad sacrum Pontificatus honorem promoveri.* vid. Platina in *Stephano III.* Ulu hoc deinceps ita comprobatum est, merito ut mirari subeat, cur hâc de re dubitaverit Dominicus à Soto: *Cardinales, inquit, in Pontificis electione, ob summam*
Vica-

Vicarii Christi dignitatem, sanctiore fide perstringuntur, optimum eligere, quapropter rumorem illum nunquam mihi persuadere potui, videlicet, statutum illis esse, non posse deligere nisi ex suo gremio, & tandem ab ipsis Dominis Cardinalibus audiui, falsum esse &c. De Just. & Jure lib. III. qu. 6. art. I. vid. quoque Castellinus de elect. c. 10. & Antoninus, in summâ T. III. Tit. II, c. 2. §. II. Rumorem vocat Dominicus à Soto, quod aliis præter Cardinales ad Pontificatum adspirare non liceat, cum tamen experienciâ, & tot Pontificum decretis istud jam pridem comprobatum sit. Conticescere ipsum jubebunt multi Romanæ dignitatis strenui assertores interq; illos Franciscus Svarzius De Fide Disp. 10. Sect. V. n. 19.

qui

qui ab Ecclesiæ moribus plane alienum hoc esse probat, ut alius, quam Cardinalis ad Pontificatum evehatur. Pontificum decreta hoc satis superque evincunt, quibus qui expleri cupit, Gratianum ad-
eat. In eo vero omnes falluntur, quod incredibili temeritate Divum Petrum Apostolum, ut ceterorum rituum ita etiam hujus consuetudinis auctorem facere non dubitent. Exemplo tamen istis prævit Stephanus III. qui decreto antea memorato ad Petrum provocat, & ipsius statuta se saltem revocare, pristinoque restituere vigori autumat: ap. *Gratianum C. Oportet Dist. 29.* vid quoque Azorius *in Institut. Moral. Part. II. lib. IV. Cap. V.* Quanta vero severitate hanc Stephani III. constitutionem observaverint, satis

tis probat horrendum istud Ste-
 phani VII. Pontificis facinus, quod
 nulla tacebit, nec tamen laudabit
 posteritas. Etenim cum mortuo-
 rum violare corpora inficetis
 Barbaris & incultis hominibus ne-
 fas fuerit summumque piaculum:
 Sanctissimus tamen Præsul Ste-
 phanus VII. adeo sui impotens
 fuit, ut nec loci religio, nec huma-
 næ Societatis migratæ leges eum
 impedire potuerint, quo minus
 inaudita crudelitate in Formosi
 Pontificis, Prædecessoris sui cada-
 ver sæviret. Causam non aliam
 fuisse, Leo Ostiensis, *lib. I. Chron.*
Cassin. c. 48. memorat, *quam,*
quod cum esset Ostiensis Episcopus,
contra Sacrorum Canonum decre-
ta, Apostolicam invasisset sedem.
 Etenim Episcopos omnes alienæ,
 ut vocant Dioeceseos ab isto di-
 gni-

gnitatis gradu exclusos volebant, quem solis Cardinalibus destinaverant Ecclesiæ leges. Hinc iram hinc furorem istum fluxisse Ostiensis autumat, qui nec divino nec humano jure refrenari potuit. Saltem in eo Leonem Ostiensem deceptum fuisse arbitror, eo quod odii istius longe aliam causam indicat J. B. Platina. Certè quod impedimento sibi fuerat Formosus, quo minus citius summos capessere honores potuerit Stephanus, hoc indignè ferebat. Sacræ vero leges obtentui sumebantur, ut eò tutius in mortuum furorem omnem effundere liceret. Luculenter hac de re differit Platina: *Sed ego arbitror, hoc odium ex ambitione ortum fuisse, cum jam eò devenissent Ecclesiastici, ut non coacti ut antea, sed sponte & largi-*
tio-

*tionibus Pontificium munus ambi-
rent. Hinc odium ortum est, quo
etiam in mortuum saeviebat Ste-
phanus, quod ei impedimento fuis-
set, quo minus optata sede potire-
tur. Honestiori itaque titulo ut
ornaret inusitatum facinus divi-
nas humanasque leges à Formoso
conculcatas, indignabundus con-
querebatur Stephanus. Namque
à Johanne VIII. (potius IX.) in exi-
lium pulsus, omnique sacri ordi-
nis dignitate spoliatus, & honori-
bus & patriæ ita renuntiare coa-
ctus est, ut jurejurando firmaret,
ab isto, ad quod fatorum acerbita-
te damnatus erat exilio, nunquam
se reversurum. Nihilominus Jo-
hanne mortuo, Romam iterum
petiit, variisque artibus Procerum
sibi conciliavit animos, ut sum-
mum in orbe honorem adipisce-
retur.*

E

retur,

retur. Stephanus verò juris jurandi sanctitatem, adeo parvi fuisse homini profano, ut à pessimis consiliis eundem dimovere nequiverit, indignè ferebat, vel potius in occasionem poenæ à cadavere sumendæ vertebat, ut hoc tegumento furorem suum turpissimum eò felicius occultaret. Quicquid hujus sit, inusitatum prorsus fuisse, eo tempore, ut ad Romanum Episcopatum alienæ Diœceseos Antistes eveheretur hinc palam est. Observavit istud Onuphrius Panvinus *in Notis ad Platinam in vitâ Stephani VII. Formosus*, inquit, *primus omnium Rom. Pontif. ex alienæ Diœceseos Episcopo Romanus Pontifex est factus, cum ante ipsum non nisi ex Presbytero vel Diacono Cardinalibus, factus fuisset Romæ Papa.*
 Conf.

Conf. quoque Mornæus *in Myfter.*
Iniq. p. 445. it. Hottingerus *in H.*
E. Sec. IX. p. 606. Stephani fata le-
 gi poffunt ap. Baronium & Spon-
 danum *ad A. C. 900.*

§. XXIII. Tertiam Cardinali-
 tiæ dignitatis partem in eo confi-
 flere arbitror, quod Confiliario-
 rum munere fungantur apud Pon-
 tificem, adeoque eidem præsto
 fint, quotiescunque vel de domi-
 niis Pontificiis temporalibus, vel
 de totius Ecclesiæ regimine lis
 movetur. Hinc Sardinia & Cor-
 fica regnum *de fratrum fuorum,*
 id est, *Cardinalium* consensu in
feudum dare, dicitur Pontifex
 apud Johannem Bodinum Ande-
 gavensem *lib. I. de Repub. c. IX.*
 Papæ Confiliarii & Senatores ap-
 pellantur à Quinto Mandoso, Ro-
 mano, Jure-Consulto celeberrimo

mo in *Glossâ ad Reg. Cancell. Apost. ad Bullam reg. Cam. §. Considerantes*. Ipsa vero Bulla facultatis Camerae regentis partem corporis Papæ, & membra nobiliora, vocat. vid. Bartholomæus Cassanæus in *Catal. Glor. Mundi Part. IV. Considerat. XVII.* Membra Papæ, apud Zabarellam *de Schismate Innocentii VII.* audiunt, inviscerati Papæ apud Hostiensem, teste Antonino Dianâ *l. supra cit.* & Cassanæo *l. c.* Quin ipsum Concilium Basileense *Sessione XXIII.* Summo Pontifici, S. R. E. Cardinales in dirigendâ Christianâ Republicâ *collateralis assistere* iudicat. Huc etiam pertinet effatum Turrecremata *lib. I. de Eccles. c. XIX.* *Domino Cardinalium consilio & assensu summum Pontificem regere, disponere, atq. gubernare univers.*

versalem Ecclesiam. vid. Johannes Freinshemius *de Elect. & Cardin. Præced. Diatrib. IV. p. 77.* Experientia ipsa deinceps comprobavit, nullum magni ponderis negotium in Ecclesiâ Romanâ sine Cardinalium consensu fuisse susceptum, aut etiam per alios quam Cardinales peractum. Etenim cum in Concilio Tridentino in discrimen adducebatur Pontificum Romanorum auctoritas, neminē magis hæc res urebat quam Cardinales, qui membrorum æquē ac capitis eandem fore fortunam, facile intelligebant: sed & propria simul illorum agebatur causa, Episcopis, præsertim, Hispanis ad pristinum dignitatis gradum iterum magno conatu annitentibus, & ad antiquam Ecclesiæ disciplinam cuncta revocantibus.

vid. Petri Svavis. *Historia Concilii Tridentini lib. VII. p. 688.* Nec Pontificis causa in Britannia, cum periculosissimum istud divor-
tium, initio quidem cum uxore, mox etiam cum Ecclesia Romanâ agitare secum Henricus VIII. Angl. R. ab alio expediri poterat quam à S. R. E. Cardinalibus Campegio & Wolfæo. Vid. Anton. Maria Gratianus *de Casibus Viro- rum Illustrium p. 177. seqq.* Maxime vero hæc Cardinalitii mun-
eris dignitas elucescit, quotiescun- que vel integri populi, vel Reges Principesque à sacris sunt arcendi. Jam Friderici I^{mi} Imp. ætate tan-
tam sibi auctoritatem sumpserant Purpurati Patres, ut, cum excom-
municationis, ut vocant, fulmen in Imperatorem vibrandum esset, assentiente cumprimis Romano Sacer-

Sacerdotum Senatu hoc fieret, teste Aventino *in Annal. Bojoaricis lib. VII.* Quin ipsi Cardinales apud Ottonem Frisingensem *lib. I. de gestis Friderici I. Imp.* vocis significationem huc trahunt, ita se appellatos autumantes, *quippe per quos tanquam per Cardines universalis Ecclesiae volvitur axis.*

§. XXIV. Jam si hasce Cardinalitiae dignitatis partes inter se invicem contendamus, & in originem cujuslibet seorsim inquiramus, de toto hoc negotio haud difficilis deinceps erit disceptatio. Cum vero præcipuum momentum in eo consistat, quod jure fruantur eligendi Pontificem, istud quoque ritè expediendum erit. Alterum enim, quod ex solis Cardinalibus eligatur Pontifex, antiquitus cum aliis Ecclesiis Romanæ fuit com-

mune. Tertium denique ab ipsâ Præsum Romanorum fortuna fuit. Et certè ex solis Cardinalibus antiquitus etiam electum fuisse Pontificem, vel ex eo constat, quod omnis ex una Diæcesi in aliam transitus tam severè fuerit prohibitus. Sane nefas fuisse & inextinguibile scelus, ex alienâ, ut vocant, Diœcesi arcessere Episcopum vel Stephani III. Conciliique Romani sub eo celebrati decretis gravissimis edocemur.

§. XXV. Quod vero Consiliarii Pontificis audiant, adeoque Senatū quendam Ecclesiasticum exhibeant, licet ex ipsis Pontificum incrementis derivandum sit, altius tamen repetere, operæ pretium esse arbitratus sum. Utique nemo tam expers erit omnis doctrinæ ut nesciat, Episcoporum omnium in
pri-

primâ Ecclesiâ dignitatem, per
 contentionum ac certaminum,
 quæ sæpius oriebantur dijudica-
 tionem, haud mediocriter fuisse
 auctam. Initio quippe cum du-
 rioribus fatis adhuc premebatur
 purior cætus, opprobrio sibi du-
 cebant querelas fundere, coram
 iudice, qui alienis sacris addictus,
 reorum crimina, in cultus inno-
 centissimi vitium versurus esset.
 Consultius itaque ducebant Epi-
 scoporum stare effatis, quos eo
 tempore ab omni ambitione alie-
 nos præstabat morum integritas.
 Utique nefas erat reclamare de-
 creto sanctissimi Viri, qui non mi-
 nus ex justitiæ quam sinceri affe-
 ctus præscripto iudicium laturus
 esset. Exquo autem veneno quo-
 dam & seculi labe afflati sunt An-
 tistites, nec Imperatores inconsul-

to in eos studio, frena injicerent tam intempestivæ potestati, hinc exortæ, fieri profecto aliter non potuit, quam ut ad suas cupiditates & regnandi libidinem detorquerent institutum minimè culpandum. Romanis præcipuè istud negotium ex animi sententia fluxit. Etenim ne frustra tam splendido Cardinalium Senatu stipati censerentur, jam habebant, quod obtentui sumerent, certaminum ac controversiarum, quæ indies ad Romanum Pontificem deferbantur dijudicationem, aliaque hinc exorta negotia Viros auctoritate & prudentiâ inclytos sive Cardinales, requirere. Mutata deinceps Ecclesiæ Romanæ fortuna, & Episcopis ad imperium orbis adspirantibus, nihil secius tamen pristinum nomen mansit, ut sub

re-

rerum Ecclesiasticarum administratione, latigaret imperandi cupiditas. Hinc apud Gaufridum Grossum *in vita Bernardi Abbatis de Tironio* legitur: *Hoc ab illo obtinere voluit, ut Cardinalis Sacerdotis dignitatem susciperet, & Romæ secum rerum Ecclesiasticarum negotia tractaturus remaneret.* vid. Carolus du Fresne Dominus du Cange *in Glossar. v. Cardinalis*. Postquam igitur Senatus cujusdam formam induerant Cardinales, facilè hinc intelligitur, sicuti cum Pontificum imperio negotia quoque aulæ Romanæ multiplicata sunt, ita Cardinalium quoque & functiones & dignitatem sumpsisse incrementa. Ad hoc ipsum autem licet plurimum contulerit Bonifacius III majus tamen fastigium Romana Ecclesia consecuta

est, tempore Caroli M. quo insignem ad Pontificum pariter ac Cardinalium dignitatem, accessionem factam fuisse, non est quod ambigam. Etenim quod Gallus Asinius apud Tacitum *Annal. lib. II. cap. XXXIII* pronuntiat; *auctu Imperii adolevisse etiam privatas opes*, haud incommode de Cardinalibus dixeris, per Imperii Pontificii augmenta, illorum quoque crevisse auctoritatem. Jam vero palam est Caroli M. ætate ad excelsiorem gradum pervenisse Romanos Præsules, opimis ab eodem acceptis ditionibus, per quas deinceps illorum mentes à rerum sacrarum curâ aliorsum sunt conversæ, Cardinalibus quoque provinciarum conservandarum ac amplificandarum necessitas imposita. Utrum autem Carolus propria

priâ munificentia commotus, an
falsâ fictaque Constantini dona-
tione deceptus, ut Hincmarus
Rhemensis arbitratur *Epistolâ III.*
hoc fecerit, meâ nunc parum re-
fert. vid. Lehmannus in *Chron.*
Spirensi, lib. II. Cap. XL p. 161. Ba-
ronius in *Annalibus ad A. C. 795.*
n. 7. Sane Baronio, *A. C. 774. n. 14.*
aliisque persuasum est, post Caroli
ætatem à Monacho quodam de-
mum hanc fraudem fuisse profe-
ctam, ut adeo hæc Constantini
donatio Carolo imponere non
potuerit. Ceterum si ire per sin-
gula Secula liceret, & cum Hei-
deggero in *Historiâ Papatus*, aliis-
que, sacri imperii quod Romani
condiderunt Præsules, lustrare in-
crementa, haud difficulter cogno-
sci posset, quo pacto cum eodem
adoleverint Cardinales, opesque

fuerint auctæ, ut tandem mole sua laborare inceperint. Nunc vero istud saltem meminisse juvat, illis maxime Pontificibus, quorum in Imperatores nota sunt odia, suam fortunam debere Cardinales. conf. Freinshemius *de Elect. & Cardin. Præced. Diatrib. IV. p. 75.* Inter illos autem maximè eminet Gregorius VII. cujus furorem satis superque expertus est, Imperatorum infelicissimus Henricus IV. Tum vero Cardinalium fortuna & ista dignitatis pars, de quâ hîc agimus ad maturitatem pervenit. Namque & ditionibus istis, quæ *Patrimonii Petri* nomine veniunt, locupletata fuit Romana sedes, & præterea suam supra Imperatores auctoritatem, præsertim quoad Episcoporum, ut vocant, investituram, haud mediocriter stabilivit

vit Gregorius. Mathildem quippe
 Comitissam, Liguriam atque Tu-
 sciam provincias, huic Pontifici
 devotè obtulisse Baronius asserit
ad A. C. 1087. & ejus Epitomastes
 Spondanus *ad eundem Annum.*
 Idem quoq; affirmat Leo Ostien-
 sis *in Chron. Cassin. lib. III. c. 48.*
 Carolus Sigonius autem Lombar-
 diam atque Tusciam, Pontificem
 à Mathilde accepisse auctor est.
lib. IX. de regno Italiae p. 90. vid.
 Flav. Blondus *Dec. II. lib. IV. p. 234.*
 & Antonius Coccius Sabellicus
Ennead. IX. lib. IV. p. 560. Con-
 ringius *de Fin. Imp. c. X.* Ab illo
 tempore suis cupiditatibus nec
 modum nec finem statuebant
 Pontifices, ipsique Cardinales re-
 rum secularium curis jam toti im-
 merfi, quicquid hactenus reti-
 nuerant pristini moris, prorsus
 ab-

abjiciebant. Eventu profecto comprobatum fuit oraculum istud coelitus, si Æneæ Sylvio credimus, demissum: *Venenum melle litum, foeminam propinasse Christianis.* apud Aventinum *Annal. Bojoar. lib. VI. p. 374.* Præterea dum conculcatâ Imperatorum auctoritate eodem tempore orbis dominium ad se rapiebat Pontifex, negotia quoque aulæ Romanæ, ut creverint necesse est, adeoque tum demum ad regendum orbem, & dispensanda Ecclesiæ universæ fata adhibiti sunt Cardinales, ut *Consiliarii Pontificis* jussu Titulo appellitari potuerint. Vid. Lambertus Schaffnabrugensis, Hirsfeldensis Canobii Monachus, (cujus in loquendo puritatem, in temporum putatione solertiam miratur Scalliger, prudentiam laudat Conringius

CARDINAL. DIGNIT. 113
gius *Epist. VII. p. 35.* & Lipsius *Not.*
ad lib. I. Polit. c. 9.) ad A. C. 1056.
seqq. Sigebertus Gemblacensis
ad A. C. 1056. seqq.

§. XXVI. Ultimum & præci-
puum quidem Cardinalitiæ digni-
tatis momentum, ex primâ ut de-
rivemus origine, instituti ratio
exigit. Ita enim arbitror, & ita
animum induco meum, Cardina-
lium eminentiam, cum jure eli-
gendi pontificem, tam arcto jun-
ctam esse vinculo, ut tum demum
Cardinales hodiernos exortos
esse, haud absurdè aliquis dixerit,
cum ista electionis facultas ad eos-
dem fuit translata. Ideò etiam
supra evictum est, præcipuam hu-
jus dignitatis partem eo ipso ab-
solvi. Quare nubes & inania con-
sectantur qui Petrum Apostolum,
Cardinalium Senatu stipatum no-
bis

bis exhibent, vel etiam Clementi Successori ejus, splendidi hujus ordinis institutionem vendicant. Turpiter sane Stephanum III. Pontificem in eo deceptum fuisse necesse est, si Gratiani verbis nobis standum est. Fatigavit jam alios istud certamen, num inter Romanos Antistites locum inveniat Petrus? Ast si vel maxime hoc munus exornaverit, Cardinalium tamen antiquitati, neutiquam exinde consuletur. Etenim ut à Salvatore ipso supremum honorem ipsi demandatum ferunt Romanæ sedis Defensores, ita Clementi idem munus deinceps ipse Petrus commisit. Documento erit vel ipsa Clementis Epistola, ad Jacobum Fratrem Domini scripta, quam Ruffinus Toranus Aquilejensis latinâ civitate donavit,

vit, *extat Tom. I. Concil. Gener.*

Edifferit in eâdem præceptiones, quibus à Petro ipse instructus est, ut fungi hoc officio cum laude posset, quod summus divinusque Vir, hæreditario quasi jure ipsi reliquerat. Nec ipsos Romanæ Majestatis Vindices hoc latuit, quin, ut sollicitos maximè rerum levissimarum cura quandoque hosce homines tenet, acerrima hinc inter eos exorta est disceptatio, possint ne Pontifices, hoc Petri exemplo adducti, sibi ipsi successorem eligendo irrita reddere Purpurati Senatus suffragia. Gabrieli Vasquezio sanè tanti fuit istud documentum, ut vel invito Antonino Dianâ, Panormitano, aliisque asserere non dubitet, utique omnes Pontifices eâdem pollere auctoritate, ut de successore sedi sanctissimæ

simæ prospicere queant. *Part. III. Tom. III. Diss. 244. c. III. n. 26.* vid. quoque Franciscus Amicus in *Cursu Theolog. Tom. IV. Disputat. VI. sect. VI. n. 204.* Petri enim exemplum apud eos jam pridem in legem abiit, ad quam se componere, omnino par esse censent. Neque præ ceteris proprium hoc ei ac peculiare fuisse asserere audent, cum hoc pacto tota fabulæ series haud difficulter possit interrumpi. Alii verò de Cardinalium dignitate, nimium hâc ratione detractum iri existimantes, hanc potestatem Romano Antistiti abjudicant, quibus ipsorum etiam Pontificum suffragantur decreta, exhibita à Johanne Baptista Casalio de *Ritibus Veterum Christianorum c. 69. p. 404.* Ex Victorello quippe, in *Additionibus ad*
Cia.

Ciaconium refert, Pium IV. Pontificem, cum lis eà de re moveretur, sanxisse, assentiente Cardinalium Senatu, nefas esse ut tale quid sibi sumeret Pontifex. *Et quamvis*, inquit Victorellus, *nonnulli imprimis id affirmant, eam tamen sententiam Pius ut falsam rejiciendam censuit, volebatque declarare, & si opus fuisset statuere, Pontificem Cardinalibus etiam assentientibus, id facere non posse.*

§. XXVII. In Clementis itaque electione cum nullæ omnino fuerint Cardinalium partes, omne quoque antiquitatis præsidium corruit. Parum vero abfuit, quin & alios ad idem audendum, exemplo suo concitaverit Petrus. Certè Bonifacii II. Pontificis conatus cum maximo periculo & dedecore conjunctos ne ipse quidem dissimu-

simulare potuit Baronius *ad A. C.*
531. & Anastasius Bibliothecarius
in vitâ Bonifacii II. Etenim Vi-
gilio Diacono Pontificatum ab
eodem destinatum fuisse, datoque
chirographo firmatum, commu-
ni consensu asserunt. Equidem &
Bonifacius Cardinalium dignita-
tem hoc ipso non imminuisset,
cum eo tempore penes populum
non minus quam Sacri Ordinis
homines esset, jus Pontificem
creandi: nihilo secius omnium in-
tererat, ut inconsulta hæc audacia
refrenaretur, ne pessimo exemplo
aliis ad Sacerdotii summam digni-
tatem uni familiæ inferendam
præiretur. Hinc non tantum eò
adductus fuit Bonifacius, ut com-
missi criminis poenitentia eum
subiret, sed & hodie omnes tam
insigne piaculum execrantur.

Uti-

Utique nihil proclivius fuisset, ad imperium istud, quod Romani Antistites moliebantur evertendum, quam si hisce consiliis respondisset eventus. Nec tamen deerat, quod obtentui sumeretur. Etenim Gothicorum Regum sic cohiberi posse arrogantiam Bonifacius autumabat, quibus parum erat civilium rerum summam tenere in Italiâ, quin jam prensare sacra, Romanosque ex nutu arbitrioque suo constituere Episcopos audebant. Huic tam intempestivo molimini, obviam iturus, ut ferebat, Bonifacius, lubricam viam ingressus est, quæ parum abest quin ipsum præcipitem dederit. Cum vero Bonifacii exemplo vanâ ejusmodi spe se ipsum deceperit Urbanus VIII. severissimis deinceps decretis sancitum cautumq; fuit,

ne

ne quis unquam Pontificum Romanorum, tantum animo conciperet nefas, nisi vellet, ut atrocissimis diris se devoverent.

§. XXVIII. Ordini verò nostro insistendum, nec aliorum deflectendus est sermo. Clementem namq; solâ Petri auctoritate summum Romanæ Urbis Sacerdotium obtinuisse, palam est. Nulla hîc Cardinalium habita fuit ratio. Subsequens verò ætas num hosce Jovis Satellites, hac eminentiâ decoratos, viderit, Justa serie est persequendum. Per omnia Antistitum Romanorum decurrere exempla tedious foret. Mores consuetudinesq; Ecclesiæ Romanæ, ex præcipuis monumentis illustres, evolvere & replicare juvat. Etenim si populo non minus quàm Clero suæ in Episcopi electione fuerint partes,

tes,

tes, Cardinalium utique dignitas corrui, per quam istis solis hoc competit. Sequebantur Romani in eo receptos totius Ecclesiæ mores, juxta quos Cleri populique suffragiis Episcopus erat eligendus. Secus equidem sentire video Hugonem Grotium *de Imperio Summarum potestatum circa Sacra Cap. X. p. 288.* qui ut populum ab Episcoporum electione non semper exclusum, ita quandoque solis Clericis id muneris incubuisse contendit. In quo sanè ut par est adversantem sibi habet Davidem Blondellum *in Scholiis ad b. l.* qui inconsulto clero populoque, Episcopum constituere, nefas fuisse, ostendit. Inter alia verò Hieronymi auctoritate se munivit Grotius, asserentis, Alexandria à Divo Marco Sacræ Historiæ

F Con.

Conditore solertissimo, ad Hera-
clem & Dionysium Episcopos us-
que Presbyterorum suffragiis Epi-
scopum electum fuisse. Ast Pres-
byteris dum hoc vendicat Hiero-
nymus, plebem non excludit, do-
cente Blondello. Robore itaque
huc usque destituitur ista Grotii
sententia firmioraque fulcra re-
quirit. De hoc quo minus ambi-
gam Apostolicæ etiam faciunt
Constitutiones, quas congesisse
Clemens dicitur. De quarum tum
antiquitate tum dignitate licet
secus multi, interque eos ipse Ba-
ronius & Margarinus de la Bigne
sentiant, quam Posseyvinus aliique
Romanæ sedis Vindices faciunt
vid. Robertus Cocus in *Censurâ*
Quorundam Scriptor. vet. p. 32. 33.
non tamen pigebit, ad veteris Ec-
clesiæ mores atque ritus cogno-
scen-

scendos eas in subsidium vocare. In hisce igitur *lib. 8. cap. 4.* disertè decretum est, & ab ipso D. Petro sancitum, ut pones populum non minus quam Presbyteros constituendorum Episcoporum esset arbitrium. *Ego igitur primus Petrus dico, ordinandum esse Episcopum, ut omnes pariter antea constituiamus, scilicet de quo in nulla re sit querela, & qui sit à cuncto populo ex optimis quibusque electus. Quo nominato & placente, populus in unum congregatus unâ cum Presbyteris atq; Episcopis praesentibus, die Dominico consentiant.* Accedit, quod in Laodicensi Synodo, populo jus istud dum ademptum est, ante hanc ætatem hoc maximè solenne fuisse haud inconvenienter judicet Theodorus Balsamo, Scholiastes sacrorum Canonum

longè doctissimus, ut adeò proprio gladio suam jugulet sententiam Grotius *l. c. p. 287.*

§. XXIX. Ceterum electio Cornelii Romani Pontificis satis decantata, documento omnibus esse poterit Decio Imperat: summum rerum tenente, Cardinalium munus prorsus fuisse ignoratum, si ex officio eligendi Episcopum Rom. illud æstimetur. Non minus enim populo quam Clero suffragante, ad summi Sacerdotii dignitatem, eundem evectum fuisse Cyprianus sanctus & locuples mihi testis est. *lib. IV. Epist. II. Factus est, inquit, Cornelius Episcopus de DEI & Christi ejus judicio, de Clericorum penè omnium testimonio, de plebis qua tunc affuit suffragio, & de Sacerdotum antiquorum & Virorum bonorum Collegio.* Taceo nunc

nunc quæ de ipso Cypriano in ejus vitâ refert Pontius, sivè ut ab aliis vocatur Pontianus Ecclesiæ Carthaginiensis Diaconus, judicio DEI, & plebis favore eundem esse electum : passim enim hac de re ita ipse differit Cyprianus, ut nihil magis à moribus Ecclesiæ alienum eâ ætate fuisse, quam sine populi suffragiis constituere Episcopum, exinde elucescat. Neque subsequenti seculo aliud obtinuisse suo exemplo omnes Athanasius docet, impiis Arrianorum fraudibus ad extremum halitum usque vexatus. Etenim ne Eusebio Nicomediensi Episcopo, calumniandi deesset argumentum, istud quidem ceu grande crimen Athanasio exprobravit, quod à sex saltem aut septem Episcopis clanculum in loco obscuro esset electus : quod ita

inficiatur Athanasius, ut non Clericorum saltem, sed totius civitatis suffragio, adeoque ritè & ex consuetudine tum receptâ hoc se obtinuisse fastigium asserat. Contrà, populi consensum idem desiderat in electione Georgii, hominis Arriani, qui ejecto in exilium Athanasio, Alexandrinam invaserat sedem, adeoq; juxta Apostolorum consuetudinem, eundem minimè electum esse contendit. Hunc seculi istius morem Concilii Constantinopolitani I. Epistolâ Synodicâ, decretoque Canonis XXXII. Concilii Carthaginienfis IV. firmare in proclive erat, nisi conticescere omnes in diversum abeuntes juberet, ipse Siricius Papa, quem eadem ætas tulit. Hic verò in *Epistolâ ad Himerium Tarraconensem* v. 10. gradus edisserens,

ferens, per quos ad summum sacrae dignitatis fastigium eatur de Presbytero, pariter ac Episcopo addit: *Si eum Clerici ac popularis evocarit electio, non immerito sortietur.*

§. XXIX. Priusquam vero ulterius provehar, dijudicanda mihi est illorum sententia, qui Hieronymum Doctorem Ecclesiae longe celeberrimum, in Cardinalium istius seculi numero collocant. Sanè Auctor ille Sermonum, qui Augustini prae se ferunt nomen, disertè *legimus enim, inquit, fratres carissimi Sanctum Patrem Hieronymum Cardinalem fuisse in Ecclesia S. Laurentii Martyris.* Idem quoque Auctor qui vitam Hieronymi conscripsit suo approbat Calculo. Quin ex recentioribus Alphonsus Ciaconius in libro peculiari de *Cardinalatu Hieronymi,*

*ny*mi, omnia quæ potuit, convectavit, ut vel invitum Hieronymum Cardinalium Ordini adscribat. Et ego sanè arbitror multum ornamenti splendido Cardinalium ordini, Virum ejusmodi allaturū fuisse cui eruditio singularis, momentumque integritas, & fortiter propugnata cœlestis veritas immortale pepererunt decus. Ast jam pridem inter fabulas atque inania commenta Hieronymi Cardinalatus referri cepit. Sane Desiderius Erasmus, bonarum litterarum statutor quondam ac Vindex egregius, in *vitâ Hieronymi*, figmentum istud rejiciens, haud immeritò dubitat, an illis temporibus *Cardinalis* titulus fuerit usitatus. Certè Carthaginensi Concilio, sub Arcadio & Honorio celebrato, Philippus & Asellus Presbyteri Romani,

ni, eum subscriberent Cardinalis vocabulum non addidere. Unde & ipse Cæsar Baronius *ad A.C. 382. n. XXVI.* gravissimi erroris reos illos agit, qui Hieronymum Cardinalitia dignitate ornatum volunt. Et Auctorem quidem Sermonum, antea citatum falsò Augustini sibi sumpsisse nomen asserit, eundemque impostorem frigidumque fictorem appellitat. Nec mollioribus verbis alter excipitur, qui Hieronymi composuit vitam. Causam verò alibi affert, quod à moribus Ecclesiæ Romanæ prorsus alienum fuerit Cardinalis nomen ei tribuere, qui non certo addictus est *Titulo*. Jam vero ex *Epist. 61.* Hieronymi quam ad Pammachium scripsit, haud obscurè colligit, Hieronymum, licet Presbyteri dignitatem

F s

obti-

obtinuerit, nulli tamen titulo sive Ecclesiæ adscriptum fuisse, nec multis quoque precibus teste Epiphanio, adduci potuisse, ut certo cætui jungeretur, eidemque suam consecraret operam. *Da igitur,* inquit Baronius *ad A. C. 378. n. 66. Presbyterum Cardinalem sine titulo, & acquiescent qui de his dubitant, dicentes, Hieronymum ordinatum à Damaso Presbyterum Cardinalem.* Quod vero idem Hieronymus in Epistolâ quâdam scripsit, se omnium suffragio dignum summo Sacerdotio æstimatum, non quidem de Romano Episcopatu capi debet, si Baronio credimus, ad hunc enim Hieronymo, cum Cardinalis non esset, non patuisse viam censet. Multo vero minus illud ad evincendam ejus Cardinalitiam dignitatem sufficit,

ficit, quod à Litteris fuerit Damaso Pontifici, arctissimoque amicitiae foedere, uterque fuerit junctus: namque eodem munere Prosperum Virum doctrinâ & sanctitate inclytum functum fuisse Gennadius Massiliensis auctor est, quem tamen inter Cardinales nemo hactenus referre ausus est. Hisce rationibus equidem haud difficulter multorum consensum impetaverit Baronius. Addi tamen & istud poterat, quod Augustinus alicubi scripserit: *Quaquam Episcopatus Presbyterio major sit; tamen in multis rebus Augustinus Hieronymo minor est.* Cum enim Episcopos jam eâ ætate Cardinalibus inferiores fuisse contendant Romanenses, utique inde consequitur, falsum istud esse & perperam dici, aut Hieronymum non

fuisse Cardinalem. Qui enim Augustinus dicere potuisset, se ceu Episcopum Hieronymo esse majorem? Quicquid hujus sit, si vel maxime nomen titulumque Cardinalis tulisset Hieronymus, certæque addictus fuisset Ecclesiæ, neutiquam tamen horum Cardinalium, quos posterior ætas vidit, numero esset accensendus. Fuit utique Cardinalis, si inter Clericos fixos atque perpetuos collocari potest. Primarium autem recentiorum Cardinalium munus, ut Pontificum penes illos sit electio, eâ ætate ignoratum fuisse, vel ipse testabitur Hieronymus. Namque Cleri non minus quam populi consensu suffragiisque Episcopum constituendum esse, luculenter ipse innuit *lib. I. advers. Jovinianum*. Nonnunquam, inquit, errat

ple-

plebis vulgus, iudicium, & in Sacerdotibus comprobandis unus quisque suis moribus favet, ut non tam bonum quam sui similem querant prepositum. Et in Commentar. ad Ezech. Cap. XXXIII. Speculator terræ Judææ, vel Rex potest intelligi vel Propbeta. Speculator autem Ecclesiæ vel Episcopus vel Presbyter, qui à populo electus est &c.

§. XXXI. Hæc viâ autem si ulterius contendamus ad originem Cardinalium investigandam, ne ad subsequens quintum seculum quidem, eos aliquis retulerit. Per universum quippe Christianum orbem, adeoque etiam in Ecclesiâ Romanâ, populus non minus quam Clerus, ad Episcopi electionem admittebatur. Sanè Bassianus & Stephanus de Episcopatu Ephesino inter se conten-

dentes, & in Chalcedonensi Concilio probaturi se ritè electos ad populi consensum apertè provocabant. Plebem quoque Cabillo-nensem in partes diversas abiisse ob Episcopi electionem ad Domnulum suum scribit Apollinaris Sidonius *lib. IV. Epis. 25.* quod utique fieri non potuisset, nisi jure quodam circa Episcoporum electionem fuisset gavisus. Nec Romanos Præsules eo tempore aliter fuisse electos inde liquet, quod ipsi Plebis consensum ad Episcopum constituendum requirunt. Fatentem istud, sistere poteram Leonem Imum in Epistolâ ad Rusticum, nisi sufficere mihi videretur luculentum Coelestini Imi effatum: *Nullus inditis detur Episcopus, Cleri, Plebis, & Ordinis consensus ac desiderium*

um

um requiratur. Epist. II. ad Episcopos Gallia. Idem etiam comprobatur Epistola Gelasii Pontificis ad Philippum & Gerontium Episcopos scripta, cujus partem à perniciè servavit Gratianus *c. 11. Dist. 63.*

§. XXXII. Dum ita jure suo utitur populus, Reges Principesque sensim sibi supremam in sacris negotiis auctoritatem vendicant. Equidem jam Valentiniano Imperatori istud ab ipsis Episcopis delatum fuisse constat, sed & ab eodem recusatum, eò quod expenderet secum, quanti periculi res esset, inter gravissima Arrianorum certamina, cætibus variis de probis purisque Doctoribus prospicere. Nihilominus qui ipsum insecuti sunt Imperatores, quandoque haud obscure jus suum

um circa Episcoporum electionem stabilitum iverunt, quod cum per utriusque imperii provincias factum sit, maximè tamen apud Francorum Reges invaluit. Saltem à quarto seculo obtinuit, ut citra Imperatoris consensum Episcopum constituere nefas haberetur. vid. Hermannus Conringius *in Exercitat. Academ. Exerc. VII. de Constit. Episcopor. Germ. §. XXI.* Dionysius Petavius *lib. I. de Hierarchiâ Ecclesiasticâ, qui reperitur Tom. III. Dogmat. Theolog.* Caspar Zieglerus *non tantum in libro de Episcopis ex instituto, sed & de Diaconis & Diaconissis. Cap. IV. §. 17. 18. seqq.* Magnum inde obstaculum exortum est, quo minus citius ad maturitatem pervenerit Cardinalitia dignitas. Cum enim Imperatorium nomen ad
Ger-

Germanos transfret, Episcopos Romanos, sine Imperatorum consensu eligere non licebat. Ita quippe non tantum in Græco Imperio, sed præcipuè apud Francos obtinuit. Quare licet per Carolum valde aucta sit Romana sedes ipsorumque Cardinalium dignitas, tantum tamen abest, ut jus eligendi Pontificè ad eos solos eo tempore translatum sit, ut potius novæ difficultates objicerentur, quo minus tam cito transferri potuerit. Pater istud vel maxime exemplo Ottonis I. Imperatoris qui supremum istud jus circa Pontificum electionem & ipse usurpavit, ejecto Johanne XII. (juxta alius XIII.) & constituto Leone VIII. & decreto etiam ita Imperatoribus hoc vendicavit, consentiente Episcopo Romano,

ut

ut sine insigni scelere deinceps Imperatorum ab electione excludere partes non potuerint. vid. Carolus Sigonius *de regno Italiae lib. VII. ad A. C. 963.* Regino *ad eundem A. Otto Frisingensis Chron. lib. VI. c. 25.* Rolevvinckius *in Fascic. Temp. ad A. 964.* Ceterum Episcopi legibus sacris jam inde ab initio cautum voluerunt, ne limites egrederetur iste Regum conatus, sicutumque hactenus eligendi ordinem penitus interturbaret. Hinc sexto Seculo in Parisiensi Concilio hoc maxime egerunt Antistites fibulam ut imponerent modumque statuerent regis electionibus. Horum exemplum secuti sunt Patres Concilii Aurelianensis Vti. dum *Can. 10.* plebis consensum, eundemque prorsus liberum, ad Episcopi
ele-

electionem, necessarium esse discernunt. Nec procul plura documenta arcessenda sunt, cum ipsi Romani Præsules qui eo floruerunt tempore, haud inficias eant, plebi pariter ac omni Clero, eandem in hoc negotio potestatem competere. Namque & Pelagius Pontifex *ab omnibus non tantum Clericis, sed etiam civitatis civibus fieri vult electionem*, conf. Gratianus *in c. Litteras 141. dist. 83.* & qui eum in summâ istâ sacri ordinis dignitate excepit, Gregorius I. hanc demum electionem omnis vitii atque labis expertem pronuntiavit, quæ consentiente & populo & omni Clero fuit perfecta. Infinita ejusmodi documenta nobis subministrarent Epistolæ hujus Gregorii si dubium aut anceps agigaretur negotium pluraque

raque aut certiora argumenta requirerentur. *vid. Epist. XXX. lib. II.*

§. XXXIII. Jam si memoriam septimi Seculi recolamus ne tum quidem aliquid circa electionis ritum in Ecclesiâ mutatum deprehendimus, adeoque Cardinales Presbyteros nihil præ cæteris excellens aut egregium sibi vindicare potuisse. Mitto Isidori Hispalensis testimonium *apud Grat. Dist. 63.* Epistolamque Arnolphi Lexoviensis, *37. ad Alexand. III.* cum aliis certioribus non destituamur. Ad Concilii Toletani IV. atque Cabilonensis decreta provoco, quæ plebis consensum tam necessarium asserunt, ut sine illo nemo ritè electus censi queat. Quid multis? perpetuæ ætatis hujus consuetudo, in ipsa Romanâ Ecclesiâ observata, satis super-

perque id evincit. Benedictus II. Pontifex, non tantum consentiente plebe & Clero electus est, sed & Constantinus IV. Imp. teste Platina *in vitâ Benedicti II.* eodem vivente jussit : *ut quem deinceps Clerus, populus, exercitusque Romanus in Pontificem elegisset, eundem statim verum Christi vicarium esse omnes crederent.* Benedictum excepit Johannes V. quem eodem modò electum esse Anastasius auctor est. Nec Cononis, Sergii, & Hadriani II. Pontificum, aliter peractam electionem, quo minus ambigam, diferta faciunt Anastasii pariter ac Platinae testimonia. Quo diligentius autem Romani Præsules turbato per Longobardos Italiae Statu, potentiae & auctoritati augendae invigilabant, eo turpiori facinore & ipso-

ipforum Antiftitum & Cardinalium incrementa remorabatur
Constantinus quidam, mortalium
ut ferunt, perditiffimus, qui nullo
unquam initiatus facro ordine,
Romanam invaferat fedem. Hunc
autem, ut jam aliquoties dictum,
cum feculi iftius mores, Patrum-
que decreta ab aditu ad iftud fa-
ftigium arcerent, divinis humanis-
que conculcatis legibus, feipfum
munere hoc indignum reddidit,
plebis Clerique fuffragiis in ipfius
locum evecto Stephano III. Tum
vero folenni decreto, ut fupra
commemoravi, fancitum eft, ut
nemini ad iftud munus pateret a-
ditus, nifi qui per omnes gradus,
quibus hoc culmen obtinetur ive-
rit, atque prifco receptoque Ec-
clefiæ more fuerit electus & ifto
honore dignus habitus. Et hæc
qui-

quidem Anastasius me docuit, nec ipse diffitetur Baronius. *loc. supra cit.*

Priscum autem morem non tantum in eo consistere, palam est, ut per gradus ritè quis enitatur, sed etiam ut à populo pariter ac à Clero eligatur. Vtriusque etiam consensu cum fastigium istud non obtinuisset Constantinus, id quidem erat, quod maximopere in eodem reprehendebant. Exemplo igitur pariter ac decreto hoc emendare voluit Stephanus, populi que adeò jura egregiè stabilivit. Et hâc quidem ratione Cardinalitiam dignitatem tempore Caroli M. ignoratam fuisse haud perperam aliquis asseruerit, licet per insignem Caroli erga Romanos Antistites affectum magnæ ditiones his accesserint, & Clericorum, qui eo tempore Cardinallium

lium veniebant nomine, fortuna creverit. Non jam sacris operari licebat ejusmodi hominibus, quos civilis regiminis cura, ad alia munera aliosque labores vocabat. Luculentum istud adeò est, ut nec Robertus Bellarminus fortissimus Cardinalitii ordinis propugnator hoc inficiari potuerit. *At postea, inquit, creverunt negotia Ecclesie Romanae, praesertim cum accessisset Principatus temporalis, tempore Pipini & Caroli M. proinde egebat summus Pontifex Consiliariorum ope, multò saepius quam antè, de Clericis lib. I. c. XVI.* Bilem istud effatum movit M. Antonio de Dominis, unde Bellarmino respondit: *Quid verò tibi videtur, Lector, de illa Bellarmini causâ, cur Cardinales majores sint Episcopis? quia nimirum creverunt negotia*

Ec-

*Ecclesiae Romanae, praesertim cum
 accessisset Principatus temporalis?
 Verè enim Cardinalitia dignitas,
 ex Dominio temporali Papæ pluri-
 mum aucta est. de Repub. Eccle-
 siast. l. c. Si quis igitur ad Caroli
 M. ætatem Cardinalium ortum
 retulerit, eò quod mutata Eccle-
 siæ facie Clerici Romani, functio-
 nibus sacris insuper habitis, aulicis
 negotiis magis quam antea impli-
 cari coeperint, non valdè repu-
 gnauero. Licet enim jam ante
 quoque civilibus Italiae rebus sese
 ingererent Pontifices, nullo ta-
 men juris titulo, tam amplas pos-
 sessiones sibi vindicare ausi sunt.
 Mihi verò utique persuasum est,
 tum demum hodiernos Cardina-
 les in lucem prodiisse, cum jus eli-
 gendi Pontificem ad illos solos re-
 strictum est, adeoque ad veros il-*

G lorum

lorum natales detegendos, sequentis ætatis replicare memoriam, operæ pretium esse arbitror.

§. XXXIV. Suffragantem autem mihi magni ingenii & excellentis doctrinæ Virum habeo Nicolaum Machiavellum, qui Cardinalitii ordinis originem non aliunde magis quam ex jure eligendi Pontificem, derivandam statuit: ast in eo magnopere eundem decipi necesse est, quod Paschalis I. Pontif. tempore, adeoque Seculo nono, solis Cardinalibus, hoc munus eligendi Episcopum, delatum esse existimat. *Pervenerat, inquit, sub id tempus ad Pontificatum Paschalis, ejus nominis primus, ubi Pastores Ecclesiarum urbis Romæ Pontifici vicini, & in electione ejus præsentés, quo munus suum ornarent splendido aliquo titulo,*

tulo, *Cardinales se vocabant, & ipsi sibi dignitatem maximam, arrogabant. Jam enim excluderant Populum Romanum ab electione Pontificis, in Histor. Florent. lib. I. p. m. 19.* Quot verba, tot errores. Vtique turpissimè fallitur quod eâ ætate Cardinalium nomen primum usurpatum asserit, fallitur quod jus eligendi Pontificem, populo ademptum in solos Cardinales translatum esse autumat. Pugnat istud cum eo quod Florus quidam ejusdem ætatis Scriptor apud Baron. T. IX. ad A. C. 843 tradit, nunquam recedi ab isto Apostolorum decreto, ut Episcopi munus obtineat: *quem communis & concors ejusdem Cleri & totius plebis consensus elegerit.* cui accedit quod Platina de Benedicto III. verba faciens Ludovi-

dovicum Imperatorem Legatos ad confirmandam Cleri & populi electionem Romam misisse refert. Quin Lotharius Ludovici filius decreto sancivit: *ut soli Romani,* (adeoque præcipuè populus) *quos antiqua consuetudo firmarat Papam eligerent.* apud Baronium *ad A. C. 824. n. 14.* Omni itaque robore destituitur hæc Machiavelli sententia, reclamante perpetuâ Ecclesiæ Romanæ per aliquot inde subsecuta Secula consuetudine. Etenim cum extinctâ in Germaniâ Caroli stirpe ad Saxones summum istud orbis fastigium transferret, eosdem circa Pontificum electionem obtinuisse mores, si magnâ argumentorum mole evincere vellem, rem prorsus supervacaneam aggrederer. Nunquam enim apertius Pontifices suum er-
ga

ga Imperatores testati sunt obsequium, quam cum dejecto ob turpissimos mores Johanne XII. per Leonem VIII. Ottoni M. Ecclesiarum rerum arbitrium permitteretur. Etenim per ignavi-
am aut calamitatem tristiaque facta, eorum qui Ottonem præcesserant, jam soli in Italia rerum potiri videbantur Romani Præsules, jamque jugum quatiebant, summum sibi in sacris imperium sum-
mentes, cum virtus Ottonis in-
tempestivis hisce conatibus obvi-
am iret, inque ordinem redigeret
Episcopos, & priscos mores cir-
ca Pontificum electionem revo-
caret. Non poterat non istud fa-
stidio esse Cardinalibus, cum tan-
tum de illorum dignitate detrahe-
retur, quantum Imperatorum au-
ctoritas circa Pontificum electio-

nem cresceret. Etenim Pontifices jam eo tempore Seculi veneno afflati, altiores quam par erat gerebant spiritus, ægreque ferebant Imperatores dare, non autem accipere leges, hinc & ab electione eosdem abesse cupiebant. Istud vero ut aliquo honestiori titulo impetrarent, populi jura obtentui sumebant, quæ, Imperatorum audacissimis decretis labefactari conquerebantur. Documento esse poterit Leo IX. Pontifex, qui Henrici III. Imp. auctoritate, summo sacri ordinis fastigio admotus, vix à Clero Romano s. Cardinalibus, admittitur, conquerentibus: *Imperatorem nullam creandi Pontificis potestatem à Deo habere, sed ad Clerum populumque Romanum id pertinere.* vid. Platina in *Leone IX.* Et istud quidem me docuit.

CARDINAL. DIGNIT. 151
cuit undecimo post C. N. Seculo, nondum evanuisse illum Ecclesiae morem populi non minus quam Cleri suffragiis Episcopum constituendi, adeoque Cardinalium nondum proprium hoc fuisse munus. Eadem vero aetas Nicolaum Pontificem tulit, cui hodiernae Cardinalitiae dignitatis aut institutae aut certè insigniter auctae gloriam vix dubiam facere ausum, mecum si expendam, quam multis doctrinâ & multiplici ingenii cultu præstantissimis Viris hoc persvasum fuerit. Certè Machiavellus in *Histor. Florent. lib. I. p. 18.* qui eodem mecum fundamento dignitatem hodiernam Cardinalium inniti censet, Nicolaum II. istud ad finem perduxisse, quod Paschalis I. inchoaverat, asserere neutiquam dubi-

tat. *Quemadmodum, inquit, Gregorius V. ius omne eligendi Imperatoris populo antea ademerat, sic cum ad Pontificatum perveniret Nicolaus II. cavebat, ne in Pontificum quidem electione idem Populus Romanus deinceps Juris aliquid haberet, omni illa auctoritate Cardinalibus concessa.* Idem quoque asserit Thomas à Vio Cardinalis Cajetanus *Opusc. II. c. 22.* vid. quoque Flav. Blondus *Histor. Dec. II. lib. III. p. 194.* Carolus Sigonius *de regno Italiae lib. 9. ad A. C. 1059.* Nunquam autem Machiavellus, ceterique qui idem affirmant, turpius se traducere potuerunt. Namque cum multa corrigeret & emendaret, depravatosque circa Pontificum electionem mores tollere cuperet Nicolaus, Episcopis Cardinalibus præcipuas equidem

dem assignavit partes, totius tamen populi & reliqui Cleri consensum simul requisivit, ut speciem pristini moris servasse, haud immeritò censeatur. Aliter enim ut sentiam, non permittunt diserta decreti istius verba, quod Gratianus refert *Dist. XXIII. c. 1. Decernimus atque statuimus, ut ob-eunte hujus Romana Ecclesie uni-versalis Pontifice, in primis Car-dinales Episcopi diligentissimè si-mul de electione tractantes mox iussi Clericos Cardinales adhibeant, sicque reliquus Clerus & populus ad consensum novæ electionis acce-dat.* vid. Baronius *ad A. C. 1061. n. 18.* Johannes Georgius Fuesli-nus *in Conclavib. Rom. reſeratis Dissertat. V. Sect. II. p. 310.* Ire per omnium Pontificum qui eo Seculo sedi Romanæ præfuerunt exem-

pla pronum foret, erroris ut convincerem Machiavellum : Sed Gregorii VII. documento meam, stabilivisse sententiam satis erit. Licet enim ultimam manum imposuisse censeatur isti imperio, quod Pontifices jamdudum moliebantur, & inaudita temeritate supremam in episcopos potestatem Imperatoribus eripere voverit, nihilo secius & ipse à populo, non verò solis Cardinalibus electus est, & aliquot ejus Successores eodem modo priscoque ritu ad summum istud sacri ordinis culmen pervenerunt. Et de Gregorio quidem ipso hoc patet ex actis ipsius quæ *Tom. XXVI. Concil. General.* extant. *Namque in eis non tantum à Cardinalibus sed Clericis omnibus, Diaconis, subdiaconis, Acolutis, consentientibus pluribus*

ribus turbis utriusque sexus, electus dicitur. Ipse quoque Gregorius hoc testatur in Epistolâ I. ad Desiderium Abbatem, in qua suam electionem ita repræsentat: *Sed subito cum prædictus Dominus noster Papa (Alexander ipsius Antecessor) in Ecclesia Salvatoris sepultura traderetur, ortus est magnus tumultus populi, & fremitus, & in me quasi vesani insurrexerunt, ita ut cum Prophetâ possem dicere: Veni in altitudinem maris & tempestas demersit me.* Hinc & Robertus Calabriae Dux juramento fidem obstringens Gregorio, pollicetur se subsidio futurum iis Pontificibus, qui à Clero populoq; ritè fuerint electi. Mortuo autem Gregorio Victor III. Urbanus II. & Paschalis II. omnes ex populi pariter ac Cleri

consensu sacrum istud adepti sunt munus. conf. Platina *in vitis horum Pontif.* De Callisto II. vid. Pandulphus Collenutius in Historia Neapolitana, allegante Baronio *ad A. C. 1119.* Non tamen prorsus sterilis fuit Gregorii VII. ætas ut non aliquis saltem fructus tum in aliis tum etiam in electionibus Pontificum ad Cardinales redundaret. Hactenus quippe licet Imperatorum auctoritas impugnata sæpius fuerat à Romanis Præsulibus, ita tamen conculcari penitus non potuit, ut non Pontificum electiones, si non ex arbitrio illorum, certe non invitis eis, aut dissentientibus peragerentur. Ast Hildebrandi hujus machinationibus hoc eis ereptum est, quicquid auctoritatis residui habere videbantur. Vel maxime hoc nomine
eum

eum reprehendit Zieglerus *de Episcopis Cap. II. p. 282.* Quin Gregorii hujus fraudibus factum est, ut jam in Alexandri, quem ipse excepit, electione Imperatoris nulla haberetur ratio. Cujus temeritatis causam cum exigeret apud Nauclerum *Gener. 36.* Hanno Archiepiscopus Coloniensis, Hidebrandus Archi-Diaconi tum munere fungens jam tyrocinio quodam futuræ proterviæ præludens, respondit: *Nullum unquam jus, nullum imperium Regibus & Imperatoribus Romanis in Pontificis Romani electione fuit, & si quid per vim, si quid perperam factum sit, censura postea Patrum correctum est.* Ita sibi persuaserat Gregorius homo sui impotens & superbia, prosperoque rerum successu lymphatus. Nos

verò alia edocuerunt antiqua Historiarum monumenta. Egregiè istud evincit Onuphrius Panvinius in *Notis ad Platina Pelagium II.* Ad Justinianum autem Imperatorem ejus rei originem refert. Cum enim summam rerum in Italia tenentibus Gothis, Imperator de affectu Pontificis certus esse deberet, ne pessundaretur quicquid erat reliqui Græcis Imperatoribus, utique ex consensu & arbitrio ejus Pontificem constituere oportuit. Quo titulo atque jure hoc asserat Onuphrius, mea nunc non refert. Ad Benedictum II. autem usque hanc perdurasse consuetudinem mihi auctor est. Tum vero Constantinus IV. Imp. Pontificis sanctitate permotus, Clero Populoq; integrum esse voluit sine Imperatoris consensu

sensu Pontificem constituere. Mox Hadrianus I. Carolo M. iterum illud concessit, in quamcunque etiam sese vertat partem Baronius *Annal. ad A. C. 774. n. 14.* & Sigeberti fidem accuset; donec per Hadrianum III. iterum istud eriperetur Imperatoribus, iisdemque denuò vindicaretur ab Ottone M. Inde vero sapius hac de re certatum fuit, Hildebrando tandem litem ita finiente, ut superior ex hac pugna discederet, gradumque adeò strueret ad summum Cardinalitiæ dignitatis fastigium, quod non paulo post orbis vidit & adoravit. Hæc ex Epistolis Gregorii, Anastasio Bibliothecario, Abbate Urspergensis, Sigeberto, Guilielmo Tyrio aliisque refert Onuphrius Panvinus *l. c.*

§. XXXV. Per undecim itaque à Servatoris nativitate Secula, frustra ejusmodi quæſiveris Cardinales, quales nostra ætas videt & veneratur. Nomen non fuit ignoratum, nec abjectæ erant conditionis, aſt jure eligendi Pontificem, excluſâ plebe, quod deinceps illorum sortem prorsus immutavit, neutiquam fruebantur. Innocentium itaque II. primum omnium fuiſſe arbitror, quem ſolus Cardinalitiuſ ordo creavit, qui etiam iſtud juſ eligendi, eidem proprium eſſe voluit. Nec enim ante eum citra populi & Cleri conſenſum quenquam ad hoc faſtigium evectum fuiſſe, evinci poteſt: nec poſtea iterum populum ad hæc ſacra admiſſum fuiſſe, certis documentis quiquam demonſtraverit. Et ipſum
qui-

quidem Innocentium, raptim,
moreque hactenus inusitato ad
munus istud pervenisse, exprobrat
ei Portuensis Episcopus Cardina-
lis, qui indignè ferens priscā con-
suetudinem migratam, vel etiam
aliis de causis adductus, cum as-
seclis quibusdam & Romano Po-
pulo Anacletum ad Pontificiam
dignitatem evehere conatus est.
Refert ipsius litteras Malmesbu-
riensis, plenas omnino querela-
rum, quod tam protervè sacras
leges transgressus esset Cardinali-
tius ordo. Simul vero Innocen-
tium, indignum istā sede ju-
dicat, quippe quem illegitimo
prorsus obtinuisset modo. Exar-
sere, ut credere par est, in mutua
inde odia Pontifices isti, dirisque
se invicem devovère, eò quod u-
terque partum tueri decus anni-
tere-

teretur, quod altero salvo fieri non poterat. Innocentium tamen, ceu legitimum Pontificem venerata est potior Christiani orbis pars, eundemque prætulit Anacleto. vid. Robertus de Monte *in append. ad Chron. Sigebert. An. 1130.* Flavius Blondus *Dec. II. lib. V. p. 240.* Carolus Sigonius *de regno Italiae lib. II. ad A. C. 1130.* Hoc verò non inde profectum judicat M. Antonius de Dominis *de Repub. Eccles. p. 394.* quod ritè electum Innocentium crederent, sed quod pessimis moribus odium omnium & indignationem in se concitaret Anacletus. Accedebat Lotharii Imperatoris favor studiumque singulare erga Innocentium, cui Imperatorium nomen acceptum ferre credebatur. Maximum verò pondus addidit Bernardi Abbatis

tis

tis Claravallensis Judicium, ejus doctrinam & pietatem cum suspiceret omnis Christianorum cœtus, haud difficulter quoque ejus approbationi suffragabatur. Hinc Innocentium non rarò à Bernardo defendi videas, *vid. Epistola Bernardi* 124. 125. 126. 127. non equidem ex hoc capite quod ritè electus sit, ita quippe causâ sine dubio cecidisset. sed quod morum integritas eundem honestaret, dignumque redderet isto fastigio, & quod prudentiores doctioresque. & probitate insignes Viri, ipsius electionem, suo comprobassent calculo.

§. XXXVI. Nec satis erat Innocentio, exemplo suo munivisse viam Cardinalibus ad illam eminentiam, nisi decretis quoque eandem firmaret ac stabiliret.

Et

Etenim mortuo Anacleto, atque Victore quem adversæ partis Cardinales ipsi surrogaverant, tandem coaluerunt distracti hactenus per varia certamina animi, Innocentioque adhæserunt. Pulcherrimam hinc occasionem adeptus videbatur Pontifex, Romano Populo freno injiciendi, indigne ferenti, urbis regimen ad se trahere Pontifices, quod tamen ad Consules & Senatores tantum pertinere volebant. Nimirum bella gerebant eo tempore Romani cum Tiburtinis, Tusculanis, Albanis, Prænestinis, & reliquis Latii populis. Hæc autem cum sopire componereque vellet Innocentius, atque ad inimicitias exuendas adhortaretur Populum Romanum, tam iniquè hoc tulerunt cives, ut, si Onuphrio Panvinio credimus, vel

vel hanc ob causam Pontifices à civilium rerum administratione exclusos cuperent. Sanè hoc certum ac exploratum est, lites gravissimas eo tempore inter populum Rom. atque Pontifices fuisse exortas, Urbemque Romam, spre-
ta Pontificum auctoritate, Senatoribus, (Consules addunt Plati-
na & Volaterranus, sed vapulant ideo Onuphrio Panvinio) Eque-
stri Ordine, atque Patriciis consti-
tutis pristinae fortunæ imaginem induisse. Hinc gravius in Popu-
lum Romanum commotus Inno-
centius, non tantum solenni ritu à sacris eundem arcuit, sed ne im-
punè auctoritatem Præsulum la-
cessivisse videretur, à Pontificis
electione, eundem prorsus abesse
voluit, solis Cardinalibus hoc jure
concesso. *Ita ad solos Cardina-*
les,

les, inquit Onuphrius Panvinius
Not. ad Platina Innocent II. Pon-
tificis electio, paulatim Cleri etiam
primoribus omnino exclusis, vel in
Cardinalium collegium cooptatis
est redacta. Etenim non omnes
Clerici Romani eo tempore, Car-
dinalium nomine veniebant, sed
saltem illi qui Titulis certis addi-
cti, multis honorum gradibus su-
pra ceteros eminebant, ut *supra §.*
XVIII. fusius edisserui. Idem
quoque confirmat Otto Frising-
ensis *lib. Histor. VII. cap. 27. 31.*
34. it. de gestis Friderici Impera-
tor. c. 27. 29. Post Innocentium
itaque Coelestinus, ceterique Pon-
tifices, qui se invicem ordine ex-
ceperunt, à Cardinalibus tantum
fuere electi. Et ita demum emer-
serunt recentiores illi Cardinales.
Namque huic electionis juri om-
nem

nem deinceps auctoritatem inniti
 voluerunt. Statim enim Episco-
 pis præferri cupiebant, nullo alio
 titulo, quam quod Pontificem eli-
 gerent: renitentibus Episcopis. &
 in ipso Concilio Tridentino, teste
 Petro Svavi Polano, *in Histor. Con-
 cil. Trid. lib. VII. p. 688.* acriter
 reclamantibus, vehementerque
 de injusta honoris istius usurpatione
 conquerentibus. Nec modum
 statuere poterant ambitioni, quia
 Regibus æquiparari parum erat,
 eminere supra illos, illud demum
 dignum erat tam splendido Car-
 dinaliū Senatu, quod ut omnibus
 constaret purpurâ hodie eos
 fulgentes videas, quem colorem
Regii decoris insigne, vocat Hiero-
 nymus *in Esai. Cap. LXI.* Vnde
 sæpius ad regnum aut Imperium
 denotandum usurpatur. Sanè
 quod

quod Trebellius Pollio de Balista dicit, eum *sumpsisse purpuram*, Claudius Salmasius ita interpretatur, quod *Imperium acceperit*. Flavius Vopiscus in Saturnino & Probo eadem loquendi ratione prope modum utitur, vid. Salmasius *Notis in Trebellii Pollionis XXX. Tyrannos p. m. 304.* Hunc in sensum & Claudianus, *de IV. Cons. Hon. ultrò se purpura supplex obtulit.* Ita unum ex alio consequebatur, & luci semel exposita Cardinalitia dignitas, vires sumebat indies, lætissimisque incrementis exurgebat, ad justam mensuram usque donec perveniret. Quando vero *Autor Traité de l'origine du Cardinaux de S. Siege*, Alexandro III. quem conculcata Imperatoris cervix nobilitavit, memoriamque ejus transmisit ad posteros, istud

tri-

tribuat ac si jus eligendi Pontificem Cardinalibus detulerit, sane gravissimi erroris se ipsum reum facit. Quicquid congeri potest Historicorum documentorum, Innocentio II. hanc gloriam vendicat. Ast confirmasse Alexandrum III. hoc jus electionis Cardinalibus, & constituisse, *ut electio per Scrutinium à Cardinalium duabus tertiis sit legitima*, cum & aliunde constet, neutiquam inficias iverim. vid Fueslinus *in Conclav. Dissertat. V. Sect. II. p. 310.*

§. XXXVII. Non equidem dubito fore, ut nonnullis hæc nostra sententia de origine Cardinalium displiceat: præsertim si existimaverit aliunde potius quam ex jure eligendi Pontificem hanc dignitatem esse derivandam. Istud vero cum mihi persuasum sit, & ratio-

H.

nibus

nibus quoque comprobatum dederim, de ipsa originè profecto, secus sentire, donec meliora edoctus fuero, non possum. Quod si vero auctoritatibus pugnare liceret, jam provocare possem ad Virum doctrinâ quondam valdè illustrem, Henricum Ludovicum Chastegnier, Episcopum Pictaviensem. Etenim illum ejusdem mecum opinionis esse, vel ex fronte libri apparet, quem de Cardinalium vitis composuit. Ita autem sese habet: *Nomenclator S. R. E. Cardinalium qui ab A. C. millesimo quippiam commentati sunt, sive ab eo tempore quo Pontificis electione ad eos tantum, ob Romani Cleri multitudinem, revocatâ, maximus ille honor, qualem videmus haberi captus est.* Tolosæ 1614. in 4to. Hoc vero per-

perperam dicitur, ob Romani Cleri multitudinem ad solos Cardinales electionem Pontificum esse revocatam: aliis enim causis impulsu Innocentium, ad eos solos hanc retulisse, jam satis aliunde constat. Et sanè aut me omnia fallunt, aut eadem ratione adductus fuit Antonius Auberri Jure-Consultus Parisinus, ut Historiam Generalem Cardinalium, quam Idiomate Gallico composuit, ab anno à C. N. millesimo & quinquagesimo inchoaret. Tum enim Hildebrandino fastu ac crudelitate orbis universus vexabatur. Et licet eligendi jus penes populum adhuc esset, nihilominus exclusis eo tempore Imperatoribus Innocentio via muniebatur, ut eo facilius voti sui damnnari potuerit. Ab hisce igitur,

tur, circiter temporibus Cardinalium Historiam auspicari oportet, eum ante ista tanta ordinis istius eminentia orbi ignota fuerit.

§. XXXVIII. Et hæc omnino sunt, quæ levi commentatione, de origine Cardinalium, proferre consultum duxi. Accuratiores ab aliis tradita esse non dubito, ast per fati iniquitatem hæc mihi fuere inaccessa. Certè Onuphrium Panvinium omne tulisse punctum, in variis opusculis huc spectantibus, propter excellentem Viri doctrinam & Thuani iudicium quo *ad antiquitates eruendas eundem, natum esse dixit*, dubitari prorsus nequit. Saltem nihil eum latuisse arbitror, nisi præjudicatis opinionibus, Sacrorumq; Romanensium veneratione in transversum actus, à recto quandoque deflexerit tramine.

mite. Certè non infrequens esse, ut in errorem hâc occasione abripiatur, vel ex ejus in Platinam commentationibus constat. Hæc quoque causa est, cur certiora rectioraque vix sperare liceat ab Alphonso Ciaconio Biacensi doctissimo ceteroquin Viro, qui non Pontificum, sed & Cardinalium omnium vitam atque res gestas exposuit, quod ejus opus insigni deinceps accessione locupletarunt Franciscus Crabrera, Andreas Victorellus, ut & Augustinus Oldoinus Patritius Genuensis. Sane hoc morbo eundem laborate, alter ipsius foetus, de S. Hieronymi Cardinalatu haud obscure fortassis indicaverit. Nec mirari subit hæsitanter hîc multa dici, multa quoque dissimulari, cum Cardinalium non alia, quam

Pontificiæ auctoritatis sit origo. Per varias artes itaque hæc cum creverit, & per Imperatorum ruinam, Regumque clades & alia crimina, fuerit aucta, non facile ex Romanensibus quisquam tantæ erit proterviæ, aut tam expers omnis erga Romanos Antistites affectus, ut aut sine rubore, aut sine fallacia litare veritati queat. Ceterum licet multi quoque in hoc argumento ingenii exercuisse vires videantur, ex fronte libri si rem ipsam metiaris, accuratius tamen si rem expendas, præter litigiosas de jure quæstiones, aut jejunas rituum descriptiones, nihil afferunt. Ejus certè farinæ sunt, quæ Martinus Garattus, Laudensis, Jureconsultus, Andreas Barbatias Messanenensis Jctus, *(qui extant in Tractat. Tractatum*
Tom. VI.

Tom. VI.) Gundisalvus de Villadiego, & Hieronymus Manfredi, hac de re commentati sunt. Hieronymus verò Plati *in libro de Cardinalis dignitate & officio*, & Baptista Fragosus, in libro: *Christiana Respublica, ex sacra Theologia, & ex utroque jure, ad utrumque forum coalescens*, non tam dignitatis hujus originem exposuerunt, aut ordinis istius condiderunt historiam, quam præceptis monitisque instruxerunt, & saluberrimis imbuerunt legibus Viros, quibus summa ista dignitas aut jam obtigit aut etiam destinata est. Nec alia speranda messis ex Hieronymi Lunadoro, libro quo Carolum Medicum Florentinum Principem, decimo sexto ætatis anno à Paulo Vto ad hanc dignitatem evectum, docuit

quid Principem in hoc munere constitutum deceat, *sub Tit. Relatione della Corte di Roma, & de Riti, di osservarsi in essa, & de suoi Magistrati & officii, con la loro distinta giurisdittione.* Cujus quidem vestigiis plures alii inhaerunt, quos omnes recensere instituti prohibent leges. Leviter equidem nostrum argumentum attigisse accepi Hieronymum Garimbertum Episcopum Gallefensem tum in libro: *Delle vite d' alcuni Papi, & di tutti i Cardinali passati*, Venetiis 1567. edito, tum potissimum in parte prima alterius libri: *Il Cardinalismo di S. Chiesa*, ast mihi nunc non licuit eum consulere, multo minus expendere mecum num adulationis studio, Italiam in hoc argumento proprio in trans-

ver-

versum fuerit actus. Gallicum tandem auctorem quod attinet, libri : *Traitté de l' origine des Cardinaux du S. Siege , & particulièrement des Francois*, licet ceteris omnibus dubiam facile reddat palmam, haud raro tamen & ipse fallitur, nec accuratè cuncta executus est, quod vel ex eis patet quæ in eodem reprehendit Fueslinus, in *Conclavibus Rom. Reseratis. Dissertat. V. Sect. II.* Et hos quidem præcipuos esse arbitror, qui in hoc campo ingenii periclitati sint vires. Quanquam enim, de Historia Cardinalium, adeoque eminentissimo hoc ordine haud malè meriti sint, qui vitas aut omnium Cardinalium litteris consignarunt, ut præter Ciaconium fecit, Antonius Montene-
grus

grus & felix Cantelorius, aut illorum, quos litteræ, & res præclare fortiterque gestæ nobilitarunt, quos inter Antonius Sanderus eminet, aut denique eorum qui ex certâ gente ad istud evecti fastigium, decus singulare ac ornamentum patrio peperere solo, prout quidem Germanicis Cardinalibus elogia suspendit Bernardus Mallinckrot, Gallicos promeritis ornavit laudibus Franciscus du Chesne, Henricus Albi, & Petrus Frison, Anglicos Franciscus Godwinus, illos denique qui libris editis communi se exemerunt sorte, Franciscus Maria Turrigius Romanus: nihilo secius tamen ad nostrum argumentum aut parum, aut omnino nihil, eosdem contulisse arbitror. Hosce proinde, aliosque scriptores, qui

qui meæ sese subtraxere cognitioni adeant, hosce consulant, quibus nostra commentatio aut ob tenuitatem sordet, aut ob brevitate non sufficit. Mihi nihil prius aut antiquius fuit, quam veritatis habere rationem, & eo sine ambagibus ire, quo me certissima Historiarum monumenta duxerunt, ritè ut inquirere possem in splendidi hujus muneris natales. Hosce vero num detexerim, alii judicent.

S. D. G.



I E N A E

STANNO IO. ZACH. NISI

EXSCRIPTVM

IPSIS CAL. AVGVSTI

A. I. C. clb lbc XCII,



